

初學集 卷



02288

牧齋初學集卷第十一

錢後人錢會

苔南

東海朱梅 朗巖分枝



桑林詩集

起崇禎十年丁丑三月盡閏四月

丁丑春盡赴急徵稼軒並列刊章士龍相從草索渡淮而北赤地千里身雖罪人不忘吁嗟閱雨之思遂名其詩曰桑林集

草索

後漢書馬援傳嚴與援妻

閱雨

穀梁禧公三年一時言不

雨者閱雨也閱雨者有志乎民者也

初學集詩註

卷第十一

一

過清江浦遙寄故人

跨下橋邊又此行。赭衣白髮可憐生。班荆却喜無人問。刻木祇愁有吏迎。惜別飛花憎岸草。相留語鶯笑林鶯。多情依舊長淮水。流入清江伴鷓聲。

漂母祠和何士龍

韓侯釣水遠城垣。青史猶垂進食言。人以千金知老母。天將一飯試王孫。孤生書劍霑新淚。逐客簪纓感昔恩。欲薦渚蘋何限恨。寒鴉落日滿祠門。

黃河

都將銀漢變黃流。也是天公錯一籌。鵠駕但為終夕

記鼉梁寧是濟川謀。災來何用沈圭璧。時至那須辨馬牛。飛昂出圖君莫詭。清河白馬又誰尤。

鵲駕

中華古今注鵲一名鼉梁白氏六帖紀年曰神女七月填河成橋周穆王三十七年

伐荆東至九江叱鼉鼉為梁而飛昂出圖竹書紀

約曰帝率舜等升首山遵河渚有五老遊焉蓋五

星之精也相謂曰河圖將來告以帝期知我者重

瞳黃姓五老因飛為流星而上入昂二月辛丑有龍

馬負甲赤文綠色緣壇而上吐甲圖而去甲似龜

背廣九尺其圖言虞夏當受天命

俳體戲示土龍

四瀆已將三瀆過。三春總是一春忙。黃沙學得何郎粉。赤汗從熏荀令香。金下馬通和餅熟。棧閒驢面比

人長。歸來准備江南話。煖鋪深缸笑幾場。

馬通

後漢書戴就傳以馬通薰之臣驢面吳志諸

洛面長似驢孫權大會羣臣使人牽一驢入其面

題曰諸葛子瑜恪跪請筆益兩字續其下曰之驢

舉坐歡笑乃以驢賜恪

次韻答士龍二首

白首孤臣踐駭機。天門夢斷翮猶飛。覆蕉鹿訟無榮辱。芥羽雞場有是非。扣角車前唯汝共。觀魚濠上與

心違。閨中春莫應相憶。掩淚頻聽緩緩歸。

駭機

放翁書感詩鑠金銷骨從來事老矣何心踐

如芥羽駭機宋景文筆記劉夢得云駭機一發浮謗左傳昭公二十五年季郈之雞鬪季氏芥羽其雞郈氏為之金距平子怒益宮于郈氏

且讓之故。郈昭伯亦怨平子。杜注曰：介雞。請芥子播其羽也。或曰：以膠沙播之爲介雞。

又次

蛇鬪龍爭共發機。刺天毛羽正羣飛。十州鑄鐵人謀錯。萬物爲銅大冶非。作楫胥靡身故在。刺舟漁父意相違。君看河上攤錢叟。不犯風濤不肯歸。

鑄鐵孫光憲北夢瑣言羅紹威剪滅牙軍漸爲梁祖凌制謂親吏曰聚六州四十三縣鐵打一
個錯不成也。

清河道中三首

拍岸河流氣不平。單車盡日遶河行。帆檣盡立遙天破。波浪掀翻大地爭。單眼飛沙人面改。撞帽噩夢旅初學。集詩註卷第十一

三

驚。窺野田蔓艸渾無賴。斷送芳菲逐處生。銀鍮驅我太匆匆。襪被囊衣客子同。心似行枚銜舌底。身如釋米簸車中。東還刺促看南斗。西笑懵騰向北風。捫腹自嗟還自問。不知若箇是途窮。

釋米詩大雅生民章釋之叟。叟毛萇傳曰釋浙水也。

慘澹郊原似霧雲。洪河嚙岸馬嘶空。粘天黑浪非章相。刮地黃塵是庾公。柳樹病猶踰夏雨。薺花開亦向春風。人間榮落關何事。野店殘陽一閃紅。

慘澹世說言語篇壹道人從都下還東山經吳中會雪下諸道人問在道所經壹公曰風霜固所不論乃先集其露慘淡郊原
章相邵氏聞見錄章
章正自飄營林岫便已能然
章相惇用事元祐黨

禍起范忠宣獨不與至呂汲公南遷忠宣齋戒上書救汲公惇怒亦請節度副使永州安置忠宣欣然而往每諸子怨惇忠宣必怒止之江行起殿所舟覆扶忠宣出衣盡濕顧諸子曰此豈章惇爲之哉

宿遷

枕畔車輪又一宵。荻簾土銼共蕭條。棧爭惡草驢言怒。炊仗殘通馬意驕。野集烟稀知磬盡。春田兆拆見龜焦。溺人强笑誰相問。莫以愆陽歎聖朝。

土銼少陵聞斛斯六官未歸詩土銼冷疎烟吳若日蜀人呼釜爲銼困學紀聞滴水李氏云老

杜多用方言如岸漚兆拆昌黎南山詩或如龜兆或如卦分孫王臨川

元豐行四山偷偷映赤日背拆如龜兆出龜焦左傳哀公二年下戰龜焦杜預曰兆不成

初學集詩註

卷第十一

郊城二首

村店無籌殺五更。棧驢齧嚙暗相驚。蓬鬆旅髻料風色。滴瀝愁腸量雨聲。催舞荒雞暗夜半。識塗老馬盼晨明。雲開日轉非吾事。也要殘春一路晴。搥斗揚箕誤有名。捫參歷井信浮生。天垣貫索星文賤。人世胥靡性命輕。豺虎頻年銜尾過。馬驢終日竝頭行。岱宗顧我如衡嶽。盼蠻開雲報午晴。

衡嶽東坡臨城道中詩序予初赴中山連日風埃未嘗了了見太行也今將適嶺表頗以是爲

恨過臨城內邱天氣忽清徹西望太行草木可數岡巒北走崖谷秀傑忽悟數日吾南遷其速返乎

退之衡山之祥也退之謁衡山廟詩我來正值秋兩節陰氣晦昧無清風潛心默禱若有應豈非正

直能感通須臾靜掃衆
峯出仰見突兀撐青空

一歎示士龍

一歎依然竟隕霜烏頭馬角事茫茫及門弟子同關
索薄海僧徒共炷香百口累人藏復壁千金爲客掩
壺漿昭陵許哭無多淚唐制有寃者許哭昭陵要倩馮班勸一

場里中小馮
生善哭

藏復壁漢書趙岐傳岐逃難四方安叩孫嵩見岐

石闔門百口勢能相濟岐以實告之遂呂氏春秋

伍員如吳至江上丈人渡之絕江解其劍以予丈
人曰此千金之劍也願獻之丈人丈人不肯受

掩壺漿吳越春秋伍員晚至江漁父渡之持麥飯

初學集詩註 卷第十一 五

父曰掩子之盜漿無令其露漁父諾子胥行數步
顧視漁者已覆舟自沉矣子胥有飯謂曰可得一
會女子擊綿于瀨水之上管中至有飯謂曰可得一
餐乎女子許之子胥已餐而去又謂女子曰掩夫
人之壺漿無令其露子胥行昭陵趙與虓娛書堂
反顧女子已自投于瀨水矣昭陵詩語唐制有寃
者哭昭陵下故李洞策夜簾獻詩云公道此時如
不得昭陵痛哭一生休陸務觀亦有句云積憤有
時歌易水派忠無路哭昭陵

費縣道中三首

驅車入魯弔遺黎宗國相傳事可悲歌鳳有人供放

逐鬪雞無相繫安危申豐錦去隣爭羨陽虎弓還盜

亦咄唯有汶陽田下水至今流恨遶鳧

申豐錦左傳昭公二十六年齊侯將納公命無受
魯貨申豐從女賈以幣錦二兩縛一如璜

適齊師謂子猶之人高齋能貨子猶爲高氏後粟
五千廬高齋以錦示子猶子猶受之言于齊侯

費縣城邊紫翠重。恰憑登頓看山容。雲舒霧縠浮千

嶂。雨濯烟綃出數峯。石瀨咽沙流淺淺。野花眠艸吐

茸茸。停車佇想東蒙客。欲討蓴羹興已慵。

東蒙客

少陵與李白同尋范十隱居詩予亦東蒙客隣君如弟兄又云向來吟橋頌唯欲討

蓴羹樂史寰宇記東蒙山在黃縣西北七十五里在蒙山之東故曰東蒙

關。閒心事怯餘春。歲夢驚迴一欠伸。病樹不禁蛇在

腹。野花終倚草爲身。極中馬老空知道。纓下車勞枉

作薪。當食爲君三歎息。難將更僕話窮塵。

蛇在腹

東坡次子由柳湖感物詩嬌姿共愛春濯濯豈問空腹脩蛇蟻

初學集詩註

卷第十一

六

泉林

泗水之源出焉題曰子在川上處

泉林源泗水。叢薄闕荒邱。的礫翻空色。縈迴貯汎流。

道窮悲滌井。物化感藏舟。願解塵纓濯。悠然炤白頭。

泗水二首

柳市綠烟麥起波。江南樂事趁清和。當風翠袖穿花

竝。映水紅粧向晚多。鷺識疏窻溫舊語。鶯憐別院選

新歌。情知好夢成殘夢。也較車聲枕畔過。

柳絮飛灰菜甲塵。車中何處見殘春。北來有鷺如胡

語。南望無鷺比馬臣。

渡淮以北絕不聞鷺鷥亦似作北音故以爲歎泗水汎

流長帶咽。歷山遙黛正含顰。劍溪雲樹漁莊水。領略

秋光要此身

雁臣

洛陽伽藍記北夷酋長遣子入侍者常秋來春去避中國之熱時人謂之雁臣

早發次士龍韻

車輪鳴軋軋。鈴鐸響丁東。鄉夢殘燈外。羈心麗語中。襖衣夢早霧。席帽泛春風。偶梗休相笑。漂搖各斷蓬。

再次

早思浴殿北。鈴索液池東。莫道天方醉。還期日再中。看桃宜令節。嫁杏與春風。歎息年芳逝。飄蕭兩鬢蓬。

嫁杏

宋雁元英文昌雜錄禮部王員外言昔見朝議大夫李冠卿說揚州所居堂前有杏樹一窠極大花多而不實適有一媒媿見之笑語家人曰來春與嫁了此杏冬深忽携一尊酒來云是婚

初學集詩註

卷第十一

七

家撞門酒索處子裙一條繫杏上已而奠酒辭祝再三家人莫不笑之至來春此杏結子無數江淮亦多有嫁橘法不知此何術也

四月十一日登岱五十韻

清晨上泰山。下山未昏黑。登覽興已賒。驅車一何疾。我行渡泗水。望岳心悚栗。原野相却迎。邱陵莽奔逸。胡然類削成。未見表崒嶸。停車迴馬嶺。凝望似堂窳。岱勢自迴伏。羣山各離立。傲傑矗數峯。疊浪見沸溼。偃蹇欲不朝。顧盼疑旅指。低徊成運眩。登頓猶堦塞。紆迴凌絕頂。頰仰蕩胷臆。天去山不多。雲與地爲一。衆山斯在下。九點烟屑瑟。鉅如牛眠豕。細如蟻封埴。

散如狐綏綏。聚如羊解解。弭伏象環衛。奔走效羈繫。
傲傑雖兀傲。沒踝不及膝。乃知丈人尊。兒孫敢匹敵。
登登四十里。十八盤乃畢。山容濯深秀。石狀鬪詭特。
洞壑互排陷。岡巒競迸逼。穿地山根湧。撐天石笋出。
層峯腰帶雲。遠嶂掌蔽日。大冶無不存。神工故難詰。
琢爲研山姿。縮放盆池質。近松辨薺峙。遙樹紛禾穉。
戍削衣低昂。翩反袖欹仄。玲瓏月斧漏。窈窕雲車匿。
屬連方帖妥。颺去忽剗析。濃淡尺寸變。向背一瞋失。
領要苦煩紆。追連恍迷惑。何當信宿留。攬采靈異悉。
坐看下垂雲。布滿兜羅色。又看崇朝雨。飛練挂千匹。

初學集詩註

卷第十一

八

煙嵐扶烘染。雲海掇蕩滴。籠拙賦家心。極命畫史筆。
逝將毀車輪。豈獨戴臺笠。茲游借刻晷。身世兩牽率。
每笑秉燭忙。自嘆乞火急。是時天大旱。山枯石將泐。
渴游旣惺忪。悶雨彌快悒。元君盛香火。盼饗走郡國。
金錢佐軍儲。羨餘潤私室。神道亦乘除。青帝遂失職。
雀鼠穿帷帳。風雨剝韋鞞。惜哉陰陽愆。致此驕蹇極。
神心本天尺。明禋在國恤。魯童舞傴僂。齊偶笑啞啞。
天門開詠蕩。膚寸雲豈息。熒熒蟣蝨臣。獨爲蒼生泣。

迴馬嶺

泰山志迴馬嶺石壁漸峻乘馬至此不能上

堂密

爾雅釋山山如堂者密郭

巖日形

似堂室者尸子曰松傲傑在岳頂西南竹柏之鼠不知堂密之有美縱

林寺石噴玩盡蟲至
御帳俯視之更奇
旅揖周禮夏官司馬孤卿特揖大夫以其等旅揖士

旁三揖鄭氏曰特揖一揖也
十八盤泰山志十八盤古曰環道

石登轉折成削
日成鮮也削衣刻除貌也
兜羅

色華嚴經入法界品普放種種諸色光明銀色光

明珊瑚色光明兜沙羅色光明帝青色光明

盧遮那寶色光明一切眾寶賦家心
葛洪西京雜記相如日賦

家之心包括宇宙總覽人物
畫史筆都穆譚纂王叔明洪武初

斯乃得之于內不可得而傳畫史筆
叔明洪武初

為泰安知州廳事後有樓三間正對泰山叔明畫

泰山之勝張絹素于壁每與至輒一舉筆三年而

畫成設色都了時陳惟允為濟南經歷與叔明皆

妙于畫且相契厚一日胥會值大雪山景愈妙叔

明日改此畫為雪景可乎如以筆塗粉景色殊不活

惟允沉思良久曰我得之矣為小弓夾粉筆張滿

彈之粉落絹上儼如飛舞之勢相顧以為奇渴遊

絕叔明題其上曰岱宗密雪圖因以贈惟允渴遊

初學集詩註 卷第十一

少陵熱食日示宗文泰山志嘉靖甲寅秋上

宗武詩消渴游江漢元君
命工部員外陳策賈古

施銀一萬兩重修碧霞靈應宮其神曰天仙玉女

碧霞元君四方來謁者捐施金玉珠帛馬輿之類

每歲遣官筮金錢羨餘
泰山志盛楷告嶽文凡此

權以助公帑下民至誠貢獻唯恐不及

而珠玉香帛金縷牛馬恒以萬億計以禪邦家以

寬疲民在神之祝凡我司委積者或從而侵漁之

攘竊之衣冠之盜有甚于穿窬之盜也嗟乎殺民之

施之官則攘之見利忘義為肥家計神其殛殺之

無韋鞞晉語注韋鞞
天咫楚語是知天咫安知民

言少知魯僮家語齊有一足之鳥飛集于公朝下

天道耳孔子曰此鳥各商羊水神也昔童兒使聘魯

其一足振訊兩肩而跳且誑曰天將下雨商羊起

舞今齊有之蟻蝨臣
盧全月蝕詩地上蟻

其應至矣蝨臣
蝨臣告訴帝天皇

春盡日次士龍韻

淒涼白髮黃塵裏。祖道東皇又一巡。暈碧裁紅成故
事。落花中酒是前因。繇來好別長禁客。况復窮途更
泥人。是我送春春送我。把君詩句問殘春。

暈碧裁紅

元遺山南冠行阿京風調
阿飲才暈碧裁紅須小杜

將抵德州遣問盧德水

十載栖遲汗簡青。飛鴻漸羽故冥冥。抱經有約尋盧
閣。書牘何顏問杜亭。聽下草深埋退筆。牀頭花盡卧
空罇。披帷想像人斯在。試款衡門一扣扃。

書牘

史記周勃世家勃下廷尉恐不知置辭
以千金于獄吏獄吏乃書牘昔以示之

濟河懷古四首

初學集詩註卷第十一

十

耿濟鎮

耿弇擊張步。濟師齊河陽。至今耿鎮水。軍聲沸湯湯。
歎息千年後。荒城築阜昌。濟河城劉
豫所築

阜昌

岳珂程史崇寧間望氣者上言景州阜城縣
有天子氣甚明徵祖弗之信既而方士之幸
者頗言之有詔斷支隴以泄其所鍾居一年猶云
氣故在特稍晦將為偏閭之象而不克有終至靖
康偽楚之立踰月而釋位逆豫既僭遂改元阜昌
且祈于金調丁繕治其故嘗吏鏹者力役彌年民
不堪命亦不免于廢也二
僭皆阜城人卒如所占云

晏城

采地遺者誰。相國齊晏子。千駟不匡君。二桃能殺士。
激彼梁邱生。浮白為之起。

梁邱生

晏子春秋景公飲酒夜移于晏子晏子對曰夫布薦席陳簋簋者有人臣不敢與焉

公曰移于司馬穰苴之家穰苴對曰夫布薦席陳簋簋者有人臣不敢與焉公曰移于梁邱據之家

梁邱據左操瑟右擊琴行歌而出公曰樂哉今夕飲也微彼二子者何以治吾國微此一臣者何以

樂吾身

高唐城

縣駒雖不存善歌表遺里君聽齊謳聲抗越清濟水

豈無梁甫吟何人為側耳

定慧寺

呂公榮公徒鐵衣佐龍興投戈返初服撒手歸上乘

麒麟可卽圖龍象俱傳燈呂公名智壽初住定慧寺靖難師起謁上于濟南募

初學集詩註卷第十一

士

兵五千餘人所向有功官都指揮同知永樂初辭返僧服與榮公相繼坐化今寺藏二公畫像呂公尤奇偉

卽圖

柳子厚南府君睢陽廟碑麒麟閣中卽圖之詞可證漢書趙充國傳成帝時西羌嘗有警

上思將帥之臣追美充國乃名黃門郎楊稚卽充國圖畫而頌之師古曰卽就也于畫側而書頌

早發定慧寺禹城道上逢茅山張鍊師

漏鼓晨鐘喚病魔僧牕殘夢未銷磨中虛擬三間

住桑下真成一宿過領畧雞談酬客少商量雀語誤

人多騎驢却笑神仙客倒載黃沙不奈何

三問

世說賞譽篇蔡司徒在洛見陸機兄弟住參佐廡中三問瓦屋土龍住東頭土衡住西頭

一宿

四十二章經浮屠桑下一宿日中一食慎勿再食

德水送芍藥

藥闌花朵正紛披。客舍憐君贈我時。織手折來紅粉
誤。攢頭恨去綠盤知。芳菲尚憶翻階早。和齊深憂實
卽遲。莫作離騷香草看。楚臣腸斷是將離。

攢頭

元遺山甲辰三月旦日以後雜詩

綠盤

昌黎

張景陽七命伊公爨鼎庖子

芍藥詩紅燈

實鼎揮刀味重九沸和兼芍藥

東壁樓懷德水

小樓殘日自昇平。茶竈烟消香篆更。訴盡春愁雙燕
語。喚迴午枕一雞鳴。中原氛祲連玄菟。下界浮雲益
大清。撫檻欲招金馬客。夜深同候泰階明。

初學集詩註

卷第十一

十一

次韻酬德水見贈

蒼黃被急徵。性命落片紙。昔為頭上巾。今為足下履。

感君逢迎意。纏綿入骨髓。灸眉忘艱辛。抗言弄文史。

半生歷坎陷。刺刺正坐此。逆人吐刺芒。愛我甘荻美。

辟如中風走。暫息聊復耳。慚無席上珍。視彼櫝中毀。

志士思風雨。瞽史知星紀。矢詩敢遂歌。聊以復吾子。

足下履

稽含南方草木狀按東方朔瑣語曰木履起于晉文公時介子推逃祿自隱抱樹而

死公撫

木哀歎遂以為履每懷從亡之功輒俯視其履曰悲乎足下足下之稱亦自此始也

眉

晉書郭舒傳舒為王澄別駕宗廟因酒忤澄澄

輩

何敢妄動澄恚因遣搯其鼻炙其眉遂歌

頭

舒跪而受之澄意少釋厥遂得免

阿章矣詩不多維以遂歌箋云矣陳也我陳作此詩欲令遂爲樂歌也

上牧齋先生

盧世灌

平生一寸心。結託數番紙。夢想凡幾年。今日奉綸
檄。攝任聆微言。徹骨透腦髓。方知有身世。方知有
經史。曠觀古及今。懷抱盡于此。先生救世手。淵淵
饒內美。伊吕伯仲間。各位偶然耳。從不愛人譽。何
乃來人毀。讒夫即高張。焉能亂天紀。風雨動魚龍。
仁義動君子。

謝德州張太守送酒

越吟憔悴著南冠。炙日熏風道路難。且向東方窮窶

初學集詩註

卷第十一

七

蕪東方朔平

敢於安邑問猪肝。香翻乳酒傾雲液。油

點槐淘瀉玉盤。從此人傳送臨賀。爲君鄭重一加餐。

蕪蕪

漢書東方朔傳舍人覆樹上寄生令朔射之朔曰是蕪也舍人曰朔不能中朔曰生肉

爲膾乾肉爲脯著樹

猪肝後漢書周燮筆傳序閔貢字仲叔客居安邑老

病家尊不能得肉買猪肝一片屠者不肯與安邑令

叔豈以口腹累乳酒少陵謝嚴中丞送青城山道

安邑耶遂去

乳酒士乳酒詩山城乳酒下青雲

氣味濃香

槐淘東坡過詹使君食槐葉冷淘詩青

幸見分

槐淘浮州槐芽餅註曰槐芽餅即槐

葉冷淘也蓋取槐葉汁

漉麩作餅即鮮碧色也

通州張太公壽讌詩十六韻其子主事

文輝知

縣文輝來請

邦畿鄰魏闕家世本留侯東髮輕榮進齊眉篤好遊
絲綸鸞掖出桃李鯉庭收柳市眉良嫵蘭香藥可羞
冶盈新鑄炭懷握舊傳鈞筵對樓桑樹杯添谷黍羞
小紅花競吐重碧酒新驚桃熟將人試梨消不外求
長筵羅易粟深院植安榴人世腰纏鶴天恩杖祝鳩
易京堪避世聖水可忘憂亥字春秋小丁年齒髮道
星槎通漢渚仙洽瀟神州北海供椒爾平原置酒郵
二子一令益都一管倉德燕歌徵戚里趙瑟倚箜篌
州故有繭裘平原酒之聯

載詠南山什虞歌送獻酬

柳市

少陵入哀詩京兆空柳市漢書張敞傳敞爲京兆時罷朝會遇走馬章臺街自以便面拊

初學集詩註

卷第十一

十四

馬又爲婦畫眉長安中傳張京兆眉嫵游俠傳城
西柳市師古曰漢官闕疏云細柳倉有柳市三輔
黃圖長安大俠蘭香墟城集仙錄仙女杜蘭香降
黃子夏居柳市蘭香于洞庭包山張頌家蓋修道
者也降之三年授以舉鑄炭晉書羊琇傳琇性豪
形飛化之道頌亦得仙鑄炭修屑炭和作獸形浴
下豪貴咸傳鈞藝文搜神記曰京兆有張氏獨處
日鳩來爲我禍也飛上承塵爲我福也卽入我懷
鳩飛入懷以手探之而得一金鈞是後子孫過盛
貲財萬倍蜀客賈至長安聞之乃厚賂婢竊鈞
以與蜀客張氏既失鈞漸漸衰耗而蜀客亦數懼
窮厄不爲已利或張之曰天命也不可以力求於
是賈鈞以反張氏復昌故關西稱張氏傳鈞
云樓桑樂史寰宇記幽州安次縣樓桑村卽傳鈞
主劉備宅于此村今有廟存幽都記云劉
備幼時宅中有桑樹如車蓋谷黍日方土傳言鄒
云我當乘此寶蓋後果王蜀谷黍日方土傳言鄒
衍在燕燕有谷地美而寒不生五穀鄒子桃熟葛
君之吹律而溫氣至而穀生故名黍谷

神仙傳趙升就張陵求學陵以七事試之第七試者陵與諸弟子登雲臺山絕巖上有一桃樹生石壁下臨不測去三四丈有桃大實陵曰得此桃者當告以道要弟子皆流汗無敢視者升從上自擲子餘二枚自食一乃申手引升枚陵分桃賜諸弟與升樂史寰宇記蘇州彰明靈臺山天柱屋下有桃樹高五丈外皮似桃心似李善曰廣志曰洛陽升試法于此四百梨消潘安仁謂居賦張公大谷餘年桃迄今不朽梨消之梨李善曰廣志曰洛陽北芒山有張公梨甚甘海內唯有一樹徐堅初學記辛氏三秦記曰漢武帝園有大梨如五升落地則破其主取以布囊盛之名曰含消梨少易粟陵題張氏隱居詩杜酒偏勞費張梨不外求易粟范成大吳郡志頂山栗出常熟頂山栗甚小香味勝絕與朔方易州栗相類但易栗殼多毛頂栗殼瑩淨安榴博物志張騫使西域還易京瓚傳瓚乃耳走還易京固守英雄記曰先是有童謡曰燕南垂趙北際中央不合大如礪唯有此中可避世贊以

初學集詩註

卷第十一

五

易當之乃 聖水 水經注上谷水出 郡之西南聖水谷

代贈十六韻

別館新宮碧落連 星娥月姊自年年 錦章天上仍難報 機石人間可浪傳 搗藥兔還尋 好伴入河蟾 肯燈孤眠目成敢託波 通語意感祗憑枕 作緣臉際芙蓉長自媚 詩中芍藥倩他憐 欲知君面聊看鏡 但憶郎家便數錢 藥使歸身欣啞謔 鈎藏蓮子畏空拳 明粧不省宵來卸 好夢還將睡去圓 苦憶落花爲我伴 生憎飛燕到誰邊 關情落索拋紅豆 使性迷離折翠鈿 已分管絃陪謝傅 敢云條脫贈羊權 雉羹斟酌期加

飯鳥爪爬搔不用鞭。緩唱深杯供竹葉。斜行小字壁花牋。駐顏豈必餐雲母。煖老終當種玉田。報喜金針新露夕。懷人紈扇早涼天。秋衾也逐征夫遠。莫是君歸在妾先。

波通語

曹子建洛神賦

數錢

後漢書桓帝時童謠

歸身

東坡寄劉孝叔詩只有當歸無別語施宿曰

孫盛雜語姜維請諸葛亮與母相失後得母書令求當歸維曰良田千頃示

圓夢近事徐幼文

在一畝但有遠志不在當歸

能圓夢馮俱飛燕開元天寶遺事長安女子絳蘭

請徐請圓之飛燕適任宗為賈于湘中數年不歸

蘭吟詩小書其字繫于燕足上燕遂飛鳴而去封

初學集詩註

卷第十一

十六

羊權贈權金玉跳脫各一枚

柳枝十首

花信樓前風暗吹。紅欄橋外雨如絲。一株顚額無人見。首與人間綰別離。

離別經春又隔年。搖青漾碧有誰憐。春來羞共東風語。背却桃花獨自眠。

簇縷垂絲阿那姿。風流種性會禁持。樹旁空有傳書使。蝕葉成文好寄誰。

成文

漢書睢弘傳上林苑中大柳樹斷枯仆地亦自立生有蟲食樹葉成文

天生標格擅溫柔。小院曾攔蘸碧流。不是腰支長香

地怕隨紅杏出牆頭

楊葉楊花撩亂時。半隨殘夢半游絲。可憐萬線千條在。但記征夫舊折枝。

嫁杏標梅不奈羞。嬌慵盡日倚粧樓。團圓解得東風意。判與兒郎打綉毬。

莫將拋擲怨年華。也傍開花也落花。河畔青青比芳草。長隨蕩子到天涯。

玉樹瓊枝事杳冥。天榆月桂總精靈。莫欺楊柳溝泥種。也是天街一小星。

天榆樂府隴西天上何所有。歷歷種白榆。天街抒情集白樂天詩。定知此後天文裏。柳宿

初學集詩註 卷第十一

七

光中添兩星

彎月挂柳梢頭。新葉如眉月似鈎。看取月圓明鏡照。展開眉葉萬重愁。

長養成陰自有期。飛花飛絮莫傷悲。楚江萍實大如斗。好是蟠桃結子時。

萍實樂史寰宇記。渚宮故事云。宋文帝為宜都王臨州。有人獻王萍實六十枚。大者如升。小者如鵝卵。圓而赤。初莫有識者。以問長史王華。曰。此萍實也。宜尼所謂王者之應。宋祚當卜年六百。頃

之宜都王卽位。祚終千六十矣。

荷花辭十首

南浦荷花覆白蘋。採蓮歌斷曲翻新。芙蓉茵萑多多

色不及荷花是可人

是可人胡仔荅溪漁隱叢話夷堅志云予家有大年小景山谷親書絕句其上軟矚白鷺定

吾友翠相幽篁是可人海角逢春知幾度臨遊到處總傷神

十里蓮涇接館娃石城西畔是儂家一枝占斷西湖種曾是西施舊采花

蓮涇范成大吳郡志靈巖山前十里香徑橫斜如卧簫

茵萑芙蓉不較多蓮心蓮的本同科芙蓉頭上原從草滿子饒他也姓荷

滿子樂府何滿子白居易日何滿子開元中滄州歌者臨刑進此曲以贖死竟不得免杜陽雜編曰文宗時宮人沈阿翹為帝舞何滿子詞調風態率皆宛暢然則亦舞曲也

初學集詩註 卷第十一

六

月宮團桂樹婆娑化作峯頭十丈荷倒白蓮花為世界可知玉女是嫦娥

荷花的的水中央蕩子牽舟一水旁刺密荷稠那得見迴船隔浦滿風香

魚戲田田隔水知荷花不語自低垂團團碧葉遮如盤旋迸明珠打鴨兒

嫩蘆生紅恰試花卷荷纔展欲欹斜含嬌離立誰堪倚自斂朱房對晚霞

旭露朝霞慢試粧翠莖紫的半摧藏小蓮結子偏憐早不比紅蕖正出房

小蓮

杜牧之朱坡詩小蓮
娃欲語幽筵雅相携

露集枝條玉不分。如規碧葉動成紋。藕身到底終須
折。一片冰心付與君。

結實成蓮心自知。分身化作藕千絲。千絲未斷終相
偶。交葉駢花一帶垂。

德州送王鹿年

頻年遭患難。道路與子俱。有如墮枝鳥。依此失水魚。
子今捨我去。置我于路隅。譬彼瞽失相。俛俛何所如。
子行非無事。為掃我室廬。慰我犀角子。衛我充棟書。
我有萬行淚。附子衣裳襖。為我拜北堂。灑向舊倚闌。

初學集詩註

卷第十一

九

犀角子

國語幽王惡犀角豐盈而此譏惡頑
章東坡御史臺詩眼中犀角真吾子

東壁樓簡程魯瞻

兩膝隨身不自謀。一茅葢頂更何求。庇君突兀千間
屋。置我差巖百尺橫。北海開車欣後載。西園促坐阻
清游。他時得遂平原飲。傾蓋相看笑白頭。

千間屋

朱弁風月堂詩語老杜以稷契自許而有
志于斯人故于茅屋為秋風所破歌其詞

云安得廣厦千萬間。大庇天下寒士俱歡顏。又云
嗚呼眼前突兀見此屋。吾廬獨破受凍死。赤足意
在是也。

為魯瞻題畫二首

却扇含嚙歛翠娥。閑看侍女教鸚哥。可憐紅嘴聰明

鳥怕殺雕籠是網羅

右美人調鸚鵡圖

聰明鳥彌正平鸚鵡賦性辯慧而能言今才聰明而識機

拖浪恍風去莫疑高人乘興卽前期人間何限迴舟處得似山陰夜雪時

右山陰返櫂圖

欲別東樓去四首

閏四月望日發德州將歸死于司敗吏卒促迫僕夫惶遽居此樓浹旬一旦別去又不獲與主人執手欲哭欲泣皆不可賦欲別東樓去四章題于樓之前榮初學集詩註卷第十一 三

壁上庶幾他日解網生還要德水魯瞻痛飲此樓屬而和之

浹旬

左傳成公九年浹辰之間而楚克其上都杜預曰浹辰十二日也

欲別東樓去棲遲念浹旬槐陰停早夏燕語殫餘春酒爲開嘗好書從借看新他時與朋好風雨話斯晨欲別東樓去行車起暗塵忘腰衣帶緩數日髣毛新

小劫看今雨中年別故人可知分手路昔夢自相因

腰莊子達生篇忘腰帶之適也

欲別東樓去孤城已暮笳可憐羈縲客仍作賈胡家賣餅經寒食吹簫過落花還愁鈎黨急踪跡到天涯

賣餅

後漢書趙岐傳中常侍唐衡兄珍數為岐販餅北齊

市中

欲別東樓去東樓卽我盧扶疎槐作陰啁哳鳥相於
牆屋如初至門庭自掃除分留題壁句漫漶待蟲魚

早發雄縣次疎軒韻

金著南冠亦偶然何妨酌醴復烹鱒孤花自綴三春
後病樹猶居萬木前失路馬行枯麥裏颺空塵起大
車邊戴盆莫怪頻瞻墊也是城南尺五天

病樹

劉禹錫病樹前頭萬木春枯麥傳曰嘗出軍行經麥中令士卒無敗麥犯者死騎士皆下馬持麥以相過太祖馬騰入麥中請自刑因拔劍割髮以置地

初學集詩註

卷第十一

三

畿南赤縣夕烽連邊鄙曾蒙口口憐

元結詩序云賊攻永州破郡不

犯此州邊鄙而退豈力能制敵蓋蒙其傷憐而已結賦蕭條仍禹貢桑林焦灼又湯年作霖誰副興雲望繁露空繙致兩篇何日
南山理蕪穢荷鋤同種豆其田

牧齋初學集詩註卷第十二

籛後人錢曾遵王箋註

茗南鈔訂

東海朱梅朗巖分枝

霖雨詩集起丁丑五月盡一年

閏四月二十五日下刑部獄尚書侍郎暨臺諫郎署相見者五十餘人久旱次日大雨劉敬仲司空迎謂曰此霖雨之徵也余笑曰安知不曰烹弘羊天乃雨乎因以霖雨名其詩云

烹弘羊史記平準書是歲小旱上令官求雨卜式言曰縣官當食租衣稅而已今弘羊令吏

初學集詩註卷第十二

坐市列肆販物求利烹弘羊天乃雨

送姚方伯復官永濟

解網殊恩應禱求。褰帷重許鎮方州。旄頭角動催庚癸。索口星移向斗牛。竹馬舊童迎去轡。桑林新雨拂行輈。高牙大纛尋常事。還為東南借一籌。

褰帷後漢書賈琮傳琮為冀州刺史傳車垂赤帷裳琮升車曰刺史當遠視廣聽糾察美惡何

反垂帷裳以自掩塞乎乃命御者褰之百姓聞風悚震庚癸左傳哀公十三年若登首山以呼曰庚癸乎則諾杜預曰軍中不得出糧故為私隱庚西方主穀癸北方主水

洮河石硯歌為劉君作兼呈宋中丞祖舜

君不見本朝輿圖軼秦漢。洮河今為國西岸。肅慎楛

競進商邱開以爲信然遂先投
下形若飛鳥揚于地飀骨無礙
乾煨御覽陸嶽鄴
冷食至一百五日爲介子推斷
火掉雷車昌黎讀
雜事詩方朔乃豎子驕不加禁
幔亭祝穆方輿勝
河偷入雷電室鞠轅掉雷車
幔亭覽幔亭峯一
名鐵佛嶂建安志云俗傳玉帝
與太姆魏真人武
夷君建幔亭綵屋數百間施紅
雲相紫霞醞宴鄉
人男女千餘人于其上皆呼
爲曾孫酒行命奏賓雲之曲

獄中雜詩三十首

支撐劍舌與槍唇。坐卧風輪又火輪。不作中山長醉
容。除非絳市再蘇人。赭衣苴履非吾病。厚地高天剩
此身。老去頭銜更何有。從今孤合號罷民。

風火輪

楞嚴經九情一想下洞火輪身入風火
交過地長水疏曰三交過地者風火二

初學集詩註

卷第十二

三

輪交際

左傳宣公八年晉人獲秦
謀殺諸絳市六日而蘇苴履漢書

傳冠雖傲不以苴履師頭銜封氏見聞記官銜之
古曰苴者履中之藉也頭銜各蓋與近代選曹補

受先具舊官名品于前次書擬官于後罷民周禮
便新舊相銜不斷故曰官銜亦曰頭銜秋官

司寇以圜土
聚教罷民

夜柝驚呼夢亦便。晝應如夜夜如年。都將永日銷長
繫。只倚孤翹伴獨眠。晝獄脚跟還有地。覆盆頭上不
多天。此中未悟逍遙理。枉讀南華第一篇。

遷史空留貨殖文。竹刑葦籍正紛紛。國中安得魯男

子。天下無如王長君。黠鼠晝巡添伴侶。蒼蠅夜息斷

知聞。斗牛側畔干將氣。早晚光芒定屬雲。燕人鄭師
亥知天象

云去年冬貫索星明主有大人入獄明公當之矣

貨殖文

趙汭題貨殖後人恒謂子長陷于刑法無財可贖故發憤作貨殖傳豈謂知太史

哉竹刑

左傳定公九年鄭駟歇殺鄧折而用其竹刑杜預曰欲改所鑄舊制鄭不受君命而

私造刑法書之于竹簡故曰竹刑

魯男子

後漢書楊震傳操誣彪大逆孔融曰橫殺無辜

海內觀聽誰不解體孔融魯國男子明日便當拂衣而去不復朝矣操王不得已遂理出彪

君漢書鄒陽傳梁事敗孝王得誅以千金令求方畧解罪于上蒼陽至長安因客見王長君長君

者王美人兄也賜乘間而請黥鼠搜神記中山有長君諾入而言之果得不治

中為襄邑長忽有鼠從穴出語曰周南爾以某日死周不應至更冠幘皂衣而出曰周南爾以某日

死亦不應鼠復入穴曰適中鼠又冠幘而出曰周南汝不應我何道言訖顛蹶而死印失衣冠所

在就視之與蒼蠅晉書載記符堅將為赦與王猛常鼠無異

符融密議堅親為赦文有一大

初學集詩註

卷第十二

四

蒼蠅入自漏間鳴聲甚大集于筆端驅而復來俄而長安街巷市里人相告曰官今大赦有司以聞

堅勅外窮推之咸言有一小人衣黑衣大呼于市曰官今大赦須臾不見堅歎曰其向蒼蠅乎

衣冠桔萃此相遭狴犴中間小市朝敢祖詩書輕法律權祧孔孟事臯陶

獄神廟相傳為臯陶圜扉地竝綸扉隘鈴柝聲如鈴索遙夢將樓舡渡皮島欲從詹尹問何妖

桔萃周禮秋官司寇凡囚者上罪桔萃梏鄭司農云萃者兩手共一木也

通籍刊章目互除恰如朝市有盈虛誰教長者為方節更使刑徒習隸書

悼往鷄羣看斷尾謀新鼠穴夢乘車閑中簡黥人間事

憂患祗應識字初

朝市

戰國策孟嘗君逐于齊而復反譚拾子迎之于境曰君得無有所怨齊士大夫孟嘗君曰

有譚拾子曰富貴則就之貧賤則去之此事之必至理之固然者請以市諭市朝則滿夕則虛非朝愛市而夕憎之也求存張彥遠法書要錄下故得亡故去願君勿怒邦人程邈字元岑爲衙縣獄吏得罪始皇幽繫雲陽獄中覃思十年益大小篆方圓而爲隸書三千字奏之始皇善之用惟御史以奏事繁多篆字難成方斷尾左傳昭公用隸字以爲隸人佐書故曰隸書二十二年賓孟適郊見雄雞自斷識字東坡醉墨堂詩人生其尾侍者曰憚其犧也識字憂患始姓名相記以休

紛紛燕獄上書人天語連章戒瀆陳凡上疏陳辭皆奉旨曰不得瀆

豈有孤臣淹棘木漫勞温旨下楓宸傷心尙點絲

綸簿炙手還逢丞相噓猶有憂時心未已雞鳴風雨

歎斯晨

初學集詩註卷第十二 五

炙手少陵麗人行炙手可熱勢絕倫慎莫近前丞相噓唐語林開成會昌中語曰鄭楊段薛炙

手可執

貫城西畔鐵城幽紂絕陰宮抵夢遊側席深居皆虎

尾負墻離立總牛頭風傳暗柝千般恨月照圓狴別

樣愁謾道繁霜飛六月葭沉灰冷轉悠悠

鐵城首楞嚴經亡者初見大鐵城火蛇火狗虎狼獅子牛頭獄卒馬頭羅刹手執鎗稍驅入城

門紂絕陰宮真語闡幽微篇羅鄴山有六宮第一宮名爲紂絕陰天宮人初死皆先詣

此中牛頭法苑珠林地獄部牛頭惡眼獄卒凶牙繁霜樂府魏陳思

受事微篇鄒衍囚燕市繁霜爲夏零論衡感虛篇傳書言鄒衍無罪見拘于燕當夏五月仰天而嘆天爲

噴

聖世孤生忍自裁。夏臺頌繫比春臺。深慚黃霸傳經

至傳給事右君胡行。夏臺頌繫比春臺。深慚黃霸傳經

水照持刀偏畏鼓聲徹。書生何用憐文季。投匭於今

厭草萊。

夏臺水經注美里在蕩陰縣廣雅稱獄犴也夏臺殷日美里周日囹圄皆圓土。黃

霸傳經漢書夏侯勝傳丞相義御史大夫廣明劾勝死霸曰朝聞道夕死。朱游和藥漢書蕭望之傳

罪死霸曰朝聞道夕死。朱游和藥漢書蕭望之傳

可矣勝賢其言遂授之。朱游和藥漢書蕭望之傳

下生朱雲勸其自裁望之仰天歎。槃水家語孔子

謂雲曰游趣和藥來飲鳩自殺。槃水家語孔子

加劍造乎闕而自請罪君不使有司執縛率掣而

加之。鼓聲漢書田延年傳延年許增僦直車盜三

初學集詩註卷第十二

六

持刀東西步數日使者召延。投匭新唐書百官志

年詣廷尉聞鼓聲自剄死。投匭武后垂拱二年

魚保宗上書請置匭受四方之書。乃鑄銅匭四塗

以方色列于朝堂。青匭曰延恩在東丹匭曰招諫

在南白匭曰申寃在

西黑匭曰通玄在北

訓狐白日向人呼。罔雨中宵問影孤。有室端堪容兩

膝。無牀何處認雙跣。月窺圓戶如愁墊。風送更籌似

逐述。唯有羈人甘索處。塊然窮鳥觸籠隔。

認雙跣魏志管寧傳高士傳曰寧自越海及歸常坐一木榻積五十餘年未嘗箕股其榻上

當膝處皆穿。南史長沙宣武王懿傳藻性恬靜獨處一室牀有膝痕。羅太經鶴林玉露張無垢謫橫浦寓城西資界寺。其寢室有短牕。每日味爽輒抱書立牕下就明而讀。如是者十年。泊北歸。牕下石上雙跣之。窮鳥後漢書趙壹傳壹畏禁不敢顯言竊為窮鳥賦一篇

驕陽初伏正乘權。窟室薰蒸劇可憐。石戶應圍土
爛流金不見鐵。圍窰西天却受災。方苦諫獄指西天曹為西天

地都愁劫火然。獨有老夫誇鬢鏹。更思曳尾看飛鷺。

三韓殘破似遼西。並海緣邊盡鼓鞮。東國已非箕子

國高。曬今作下句。驪中華未必憂寒齒。羣口何當悔

噬臍。莫倚居庸三路險。請封函谷一丸泥。逆口吞併高麗奪我

屬國中朝置之不問。

三韓朝鮮世紀朝鮮王準。避衛滿之亂南浮金馬

馬韓王。辰韓下韓皆屬焉。辰韓王者秦之亡人也。

避居于韓。韓人以東界與之。都辰是謂辰韓。王亦

曰秦韓王。統國十二焉。辰下成韓地。故曰三韓。緣邊

初學集詩註

卷第十二

七

後漢書馮衍傳。箕子國。東國史畧。周武王克商。箕

子率東國五千人入朝。箕武王因封之。都平壤。是為後朝鮮。教民禮義。設八

條之教。其後子孫稍驕虐。燕乃攻其西。滿。潘汗為

界。朝鮮遂弱。至四十代孫。否屬于下句。驪。漢書王

泰子準立為衛滿。誘遇浮海而奔。下句。驪。漢書王

發高句驪兵當伐胡。不欲行。皆亡。出塞為寇。遼西

大尹田譚追擊之。為所殺。莽亡。上誘高句驪侯。至

而斬焉。更名高居庸。邢經居庸關銘。國宅天都。高

句驪。為下句。廳。居庸。寒之。區居庸。其樞。兮。遼。右。古

北。陰。幽。沙。磧。控。帶。呢。孤。兮。山。連。嶺。重。鍵。閉。深。雄。巍

巍。帝。居。兮。伊。昔。掣。鎖。金。源。敗。破。遂。為。坦。途。兮。函。谷

一夫百萬為魚竟。執哥舒兮思啓封。疆備不可忘。陰地險莫如人險。兵去當戒覆車兮。一丸泥。後漢書。銘巖。昭。用。告。僕。夫。當。戒。覆。車。兮。一。丸。泥。隗。囂。傳。囂。將。王。元。說。囂。曰。請。以。一。丸。泥。為。大。王。東。封。函。谷。關。

漫漫長夜旦何期。無復平分辨四時。苦雨淒風差耐

得薄寒小病亦相宜。天荒地老餘園土。鬼爛神焦見積屍。坐斷波吒真地獄。不繇羅刹不慈悲。

鬼爛神焦 昌黎陸渾山火歌 波吒 首楞嚴經二音

神焦鬼爛無逃門 波吒 相陵故有吒吒 羅刹 朝野

波波羅羅青赤白蓮寒冰等事長水疏 羅刹 朝野

日吒波羅等獄寒聲也卽忍八方地 羅刹 朝野

李全交專以羅織為業 羅刹 朝野

臺中號曰人頭羅刹 羅刹 朝野

四序司刑盡爽鳩。何須葉落始悲秋。心情好處渾中

惡。風月佳時不抵愁。送去紙錢新鬼市。汲來井水伏

屍流。入寒陰獄長如此。縱有陽春到此休。

紙錢 封氏見聞記後漢蔡倫所造魏晉已來始有

其事凡鬼神之物其象似亦猶塗車芻靈之

類古理帛今則皆燒之所 入寒陰獄 翻譯名義集

以示不知神之所在也 入寒陰獄 大論云入寒

冰獄者一名頻浮陀少多有孔二名尼羅浮屠無

孔三名呵羅羅寒顛聲也四名阿婆婆亦患寒聲

五名睽睽亦是患寒聲六名漚波羅此地獄外逼

作青蓮花色七名波頭摩紅蓮花色罪人坐中受

初學集詩註 卷第十二

受苦隨其作業各有輕重

此中不省是何方。地絕天通限堵牆。玄鳥避巢無四

序。獄中 無燕 燭龍迴駕少三光。枯骸每與人爭坐。白晝頻

看鬼亂行。唯有六時鐘鼓發。燈殘夢斷也徬徨。

燭龍 大荒北經西北海之外赤水之北有章尾山

其視乃明不食不寢不息風雨是謂是燭九陰是

謂燭龍郭璞曰詩舍神霧曰天不足西北無有陰

台星落落夜寥寥。咫尺垣墻貫口遙。大有口口侵上

精往照天門中云

國可無司馬相中朝廷登近日金剛易夢下頻年沙
路囂緇閣圖扉多故事與君分塊祭皇陶入獄祭皇陶見范滂

傳本朝小說亦載入閣祭皇陶事

司馬東坡司馬温公神道碑遼人夏人遣使入朝與吾使至虜中者虜必問公起居而遼人勅

其邊吏曰中國相司馬廷登漢書五行書臨廷登矣慎無生事開邊隙

入而登殿也漢官儀云丞相御金甌唐語林玄宗史大夫初拜皇帝延登視諱

以御札書其名于案上會太子入侍上以金甌覆其名以告之此宰相名也汝庸知其誰射中賜若

巨酒肅宗曰非崔琳盧從愿乎上曰然因舉甌以示是時琳愿皆有宰相望上倚為相者數矣竟以

宗族繁盛附託祭皇陶許浩復齋日記閣老陳文者衆不能用之

劉公繼入閣尤不懼于衆翠或述輟耕錄所載識史帥語意謂人曰昨新閣老入閣閣中吏請循故

初學集詩註 卷第十二 九

事祀臯夔稷契劉曰陳先生不

笑我我也不祭朝士相傳為笑箋曰登庸必由詞林此舊章也自世廟以張總等

言禮進用始舉外臣入閣上卽位行立賢之典自崇禎元年至十年故下閣臣不下三十餘人頗不

循詞林舊格故人人可負揆路之望且所任者亦不甚久獨烏程在位九年丁丑六月始罷免陰薦

韓城于上上信其言八月卽登國觀于揆席由僉憲入政府亦以外官特簡也當戎馬生郊羽書旁

午之日韓城模稜仰屋有何籌策而倚賴之延登薨小幾同夫兒戲能不致慨于金甌之易沙路之

置乎落句復引小說語刺之以見後先柄國者皆庸庸溺飯僧爾

易水波騰碣石翻 修羅一掌障乾坤 知交蹴踏憂連

坐童僕倉皇擬叫關 美酒經時澆漢獄 愁腸終夜繞

吳門却憐痛定仍思痛 病悻頻將白首捫

修羅掌

翻譯名義集羅喉長入萬四千由旬舉手掌障日月世言日月食

連坐後漢

書黨綱傳天子震怒班下郡國逮捕黨人遂收執膺等其辭所連及陳實之徒二百餘人澆漢

獄赤如肝頭目口齒俱具問東方朔對曰名為怪

哉昔秦始皇拘繫無罪幽殺無辜衆庶恨怨憤氣

之所生此地必秦之故獄處也按圖地果秦獄朔

日積憂者得酒而忘置酒其

土必消糜以酒澆之果消

亦如愁腸不用繞吳門

歸計未成留

霜慘雲繁鎖鐵扉。茶香奠酒事都非。南冠潦倒憐烏

帽。獄卒踉蹌認白衣。人比籬花何許瘦。身如朔鴈幾

時歸。遙知四海登高會。多少燕山酌夕暉。

茶香皎然九日與陸羽賞茶詩俗人泛黃酒誰解助茶香

初學集詩註

卷第十二

十

徹道嚴更護棘叢。果然牢獄不通風。安知獄卒尊如

此。始信吾生固有窮。白日可能迴地底。綠章何處達

天中。斗魁直下天牢在。午夜依然繞帝宮。

徹道班孟堅西都賦徹道綺錯李善曰漢書中尉掌微循京師如淳曰所謂游微循禁備盜賊

也。嚴更張平子西京賦重以虎威夜溝嚴更之署薛綜曰嚴更督行章溝嚴

天牢史記天官書在斗魁中貴人牢名曰天牢孟康曰傳曰天理四星在斗魁中貴人牢名曰天理宋均曰以理牢獄

也隋書天文志天牢六星在北斗魁下貴人之牢也

熒熒宿火焰黃昏。滅滅寒風打席門。每借愁端支永夜。都憑噩夢返羈覓。功名過眼篝燈在。世事從頭倒枕論。睡起慵騰扶白首。可知羅網是君恩。

漁灣蟹舍互夤緣。萬樹寒梅捲畫船。嫩綠放檐依候
足竊紅出水受風偏。鉦車每惜飛花地。簾閣尤宜小
雨天。夢斷江南好春事。與君獄底話神仙。與劉敬仲
談江南風

景因次
其韻

黑獄沉沉白日昏。嚴更况復警重門。難尋伴侶憑形

影。欲達音書托嚮言。見晉書
五行志晷短蕭條逢滅劫。夢長

迢遞遡歸魂。亦知遙夜相思處。燈燼香消半席溫。

嚮言 宋書五行志吳孫休世烏程民有得困疾及
差能以嚮言者言于此而聞于彼聲之所往

隨其所向遠者不過十數里其鄰人有責息于外
歷年不還乃假之使為責讓懼以禍福負物者以
為鬼神即貸到界之其滅劫注苑珠林劫量篇依
人亦不自知所以然也滅劫 注苑珠林劫量篇依
新婆沙論云劫有三

初學集詩註 卷第十二 十一

種一 中間劫二成壞劫三大劫中間劫復有三種
一滅劫二增劫三增減劫滅者從人壽無量歲減
至十歲增者從人壽一歲增至八萬歲增減者從
人壽十歲增至八萬歲復從八萬歲減至十歲

廿年齊聽景陽鐘。投老衣冠此地逢。祝去詛來如有

恨。單行卻立豈為恭。獄中巷道狹隘相
遇者皆側立讓行駢頭會聚攢

蜂。觸接跡經過折蟻封。卻笑凍蠅思附驥。穴牕何日

得從容。

蜂觸 魏志管輅傳輅射覆封成曰家室倒懸門戶
衆多此蜂窠也山谷題落星寺詩窠旁各自

開戶 冊

欲隨短景斷愁腸。可耐嚴更又許長。謝客蠨蛸收冷

戶。依人蟋蟀守空莊。耗磨膏火三分漏。領畧寒威一

番去霜傳語司空休起舞鳴雞暗鴈總堪傷

暗鴈

莊子山木篇莊子合于故人之家命豎子殺鴈而烹之豎子曰其一能鳴其一不能鳴請

奚殺曰殺不能鳴者

經年獄底阻艱危狂鳥投籠馬就羈尊者夢中曾示

現十五年前夢多生為金馬道人與尊者說法以靜論故應受業報老僧海上已先

知歸報錢公往因中當有玉難不免一行也蓬蒿環

堵彈琴處方丈毗耶晏坐時儒行宗風都會得信知

調伏是便宜

毗耶

維摩詰經佛在毗耶離菴羅樹國

宴坐

維摩詰經夫宴坐者不于三界現身意是

為宴坐不起滅定而現諸威儀是為宴坐不捨道法而現凡夫事是為宴坐心不住內亦不在外是

初學集詩註

卷第十二

十一

為宴坐於諸見不動而修行三十七道品是為宴坐不斷煩惱而入涅槃是為宴坐調伏摩詰經以難化之人心如猿猴故以

若于種法御制其心乃可調伏

半椽恰受回隅人矮屋還憎墊角巾穴紙聲疎魚網

舊啄門響密雀羅新牀多卧筆應知懶架少繙書始

覺貧最是催詩并問字每於清夜惱比鄰

魚網

後漢書宦者傳蔡倫造意用樹膚麻頭筆牀

段公路北戶錄筆為牀為雙為按注曰南朝呼筆

筆

蕭辰嚴獄應彫枯風急周廬警夕呼身老蟬衣穿爾

雅道窮蛛網闕陰符寒冰著面生稜角饑火迴腸轉

轉轡通夜歌聲正三闕始知回也是吾徒夜間傳右

周廬班孟堅西都賦周廬千列李善暉衣兩雅釋

魚郭璞曰衣書中蟲一饑火范成大吳郡志嶺空

苦貧勤學為凍餒所驅元和初遊錢塘至孤山寺

况否君房曰何哉僧曰子不憶講法華經于洛中

同德寺乎應為饑火所惱不暇憶前事探鉢出一

賚大如拳曰此吾國所產食之者知過去未來事

君房食訖甚渴掬泉水飲之急欠伸枕石而寢有

寺如昨日焉乃落髮

六街鼓息五更頭葦席單衣萬事休已見騎驢臨獨

柳曾看走馬向長楸葦膠一夜離肝腎牙齒何年長

憫體東閣免歸西市死夕陽亭下總悠悠

初學集詩註 卷第十二

六街鼓中華古今法唐舊制京城內金吾昏曉傳

蓼葦席單衣宋書五行志吳孫亮初童謡呼汝格

鼓楊子閣按楊子閣者及語石子岡也鈞絡鈞帶也

及諸葛格死果以葦席裹身篋束其腰投之石子

岡後聽恪故吏獨柳新唐書刑法志肅宗喜刑各

將葬求之此岡獨柳以河南尹達奚珣等三十九

人為重罪斬於獨柳樹者十一人賜自盡于獄中

獨柳刑罰體音書五行志元康中京洛童謡曰南

人之所觸體風起吹白沙遙望魯國何嗟嘆千歲

成死白頭老淚西腮下寂寞封題一鴈回故司馬夫

人命其子

走書
相陪

溪柳真蒙比雪寒竹堂月舫思漫漫柳溪竹堂皆好先世第宅

花筆秃珊瑚架惡草是荒雲母盤斟雉羹調誰進御

持鰲酒熟且加餐可憐警枕英雄老夢斷湘靈瑟未

闕皆吾家譜謀故事

月舫理平公諱洪公之六世祖也景泰中與劉草

平之竹深堂者判年理平有好花開元天寶遺事

舟名水月舫東谷為作長歌李自少時夢筆

頭生花後珊瑚架歐陽公歸田錄錢思公有一珮

天才瞻邈案子弟有欲錢者竊而藏之公即恨然自失乃榜

于家庭以錢十千贖之居一二日子弟伴為構得

又痛去一歲中率五六如此公終不容也雲母盤

初學集詩註卷第十二

古

葛洪神仙傳彭祖善導引補養之術服水桂雲母粉常存少容

皇覽揆余初度時松醪春酒菊花枝千金稱壽慚親

串一物全生荷聖慈老眼畫圖行聚米虛臆料敵坐

圍棋成都桑樹衡山芋別盡寒燈夜話遲九月二十

書諸公蘇酒為壽

成都桑樹蜀志諸葛亮傳亮自表後主曰成都有

餘饒臣死之日不使內有衡山芋袁郊甘澤謠李

倫帛外有贏財以負陛下必衡嶽寺中讀

書察擢殘所為曰非純物也中夜潛往謁焉懶寢

取十年幸相
送馬異倩歸會稽

諸公紛紛趨貫城。子出我入如踐更。子罷呼囚我趣
上。恰如除日刊姓名。多子儂行相問訊。執手顧視心
怛怛。天地爲籠逝何所。欲哭欲泣皆不成。是時當路
正炙手。同文之獄初煩興。端禮門前舊鐫刻。格天閣
下新題評。羅網吉網互錯拒。子虛烏有相支撐。杯裏
無蛇我所悉。水中有蟹那能平。和藥趣來手欲戰。然
灰被溺目敢睜。閉口捕舌豈容遁。排山壓卵孰與爭。
骸骨已分填牢戶。冤夢猶想歸柴荆。聖主聰明察庶
獄。小臣愚闇偷殘生。竈火撲滅乞兒散。社樹斫伐妖
狐驚。台階中坳卷舌曲。斗間索口還崢嶸。與子開口
初學集詩註 卷第十二 五

方一笑。抗手卽踞難爲情。我爲老寡坐幽閉。子如稚
婦初歸寧。蓬孿婀娜不相似。搥牀撫几俱屏營。原澤
蕭蕭鴻鴈少。江河悚悚多甲兵。登山臨水何處所。送
子目斷秋蓬征。東中風土良不惡。弋釣採藥聊意行。
逸少故有濟世志。安石肯忘東山盟。西陵驛樓過騁
望。東土人士多逢迎。牘背何繇具書尺。因風哽咽遙
寄聲。琅璫白首尚無恙。爲我炷香謝聖明。

踐更

史記郭解傳至踐更特脫之。如淳曰更有三品。有卒更有踐更有過更。古有正卒無常人。

皆當送爲之一月。一更。是爲卒更也。貧者欲得顧更錢者。次直者。出錢顧之。是爲踐更也。同文獄。九朝長編紀事本末。章惇蔡卞。恐元祐舊臣一旦復起。日夜與邢恕謀。所以排陷之。詩既再追

貶呂公著司馬光又責呂大防劉摯梁燾范祖禹
劉安世等過嶺仍用黃履疏高士英狀追貶王珪
最後起同文獄將悉誅元祐 格天閣 羅大徑鶴林
大臣內結宦者刺隨為助 格天閣 玉露秦檜建
一德格天之閣有朝士賀以啓檜大喜 羅鉗吉網
超擢之又有選人投詩檜即與改秩

李肇國史補羅鉗吉網員推章狀注日 水蟹 晉書
酷吏羅希夷吉溫能吏員結章元甫 水蟹 晉書
傳倫秀以宿憾收悉兄弟梁王兄救系等倫怒日
我下水中見蟹且惡之况此人兄弟輕我耶遂遇
害 然灰 漢書韓安國傳安國坐法抵罪蒙獄吏田
甲辱安國安國曰死灰獨不復然乎甲日

然即排山壓卵 晉書杜有道妻嚴氏傳嚴氏字憲
淵之排山壓卵 十八而發居女韉有淑德傳立求
為繼室憲便許之或日何鄧執權必為立害亦猶
排山壓卵以湯沃雪耳奈何與之為親憲日晏等
驕侈必當自敗吾恐 乞兒 開元天寶遺事張九齡
卯破雪銷行自有在 乞兒 見朝之文武僚屬趨附
楊國忠爭求富貴日今時之朝彥皆是向火乞
兒一旦火盡灰冷煖氣何在向火言附炎也 白

初學集詩註 卷第十二

六

階 晉書張華傳華為司空中台星坊 卷舌 三氏星
少子躔勸華遜位華不從遂遇害 經石申

氏日卷舌六星在昴 蓬鬢 宋玉登徒子好色
北主言語多謔佞 蓬鬢 賦其妻蓬頭鬢耳 東中

晉書王羲之傳羲之遍遊東中諸郡窮 西陵 水經
諸名山泛滄海嘆日我卒當以樂死 注浙

江又逕固陵城北今之西陵也有西陵湖亦謂之
西城湖會稽志云西陵城在蕭山縣西十二里謝
惠連有西陵阻風獻康樂詩吳越改日西興東波
詩為傳鐘鼓到西興是也浙江通志西陵驛見寄云
改為西陵驛按白樂天答微之泊西陵驛見寄云
烟波盡處一點白 應是西陵古驛事則西陵舊有
驛至吳越始 改西興耳

題杏花官人圖為傳右君

閑撥銅鏃看淚痕 春風取次到長門 監宮傳報天顏
喜 紅杏花開滿禁垣

銅鑊漢書外戚趙后傳倉琅根官門銅鑊也師古曰鑊讀與環同

題書二首為傳右君

策星夜動王良馬。車騎紛紛滿郊野。幽并好馬□兒
驕。迴鞭蹙踏長城下。今年雲中開馬市。百金一馬□
人喜。金繒壓鞍革鞞酒。齊唱吳歌度遼水。老髯奚官
立道傍。佇看烙印黥悲傷。莫輕此馬為□種。曾秣天
關十二坊。

右牧馬圖

策星隋書天文志天翔旁一星曰王良亦曰天馬前一星曰策王良之御策也若移在馬後是謂策馬則革鞞酒漢書百官公卿表武帝太初元年更名家馬為柁馬應劭曰主

車騎滿野年更名家馬為柁馬應劭曰主

初學集詩註 卷第十二 七

乳馬取其汁。柁治之。味酢可飲。固以名官也。如淳曰。主乳馬以韋革為夾兜。受數斗。盛馬乳。柁取其上肥。因名曰柁。奚官東坡韓幹馬詩老髯奚官馬柁音徒孔反驕且顧前身作馬。通馬語。

南山白額毛蟲。祖掉尾磨牙踞林莽。嚙人不肯避賢

豪。狡獸輕禽敢余侮。壯士髮植風蕭騷。身掠虎落禽

咆哮。應弦飲羽目一曠。拉押兩血摧風毛。倒載爛班

出叢薄。山虞高眼野樵樂。寄言尋斧休放縱。還為深

山惜藜藿。

右射虎圖

毛蟲祖東坡起伏龍行何年白竹千鈞弩射殺南山雪毛虎至今顛骨帶霜牙尚作四海毛
髮植張平子西京賦植髮如竿藜藿後漢書孔融傳論山有猛獸藜藿為之不採

禮樂全給 太僕屬官 有家馬全 柁音勃 乳至禮也 相乃威也 百注以馬 太官桐局

李將軍 國樑 挽詞二首

飛將名空在封侯事忍論死為明國法生敢負君恩
棄市沙場血吞□厲鬼冤古來推轂者先與鑿凶門

鑿凶門

淮南子兵畧訓篇將已受斧鉞乃瓜鬻豕明衣鑿凶門而由高誘曰凶門北門也將

軍之出以喪禮處之以其必死也

未見東□滅其如西市何國殤應會鼓虞殞已聞歌

獨石邊墻在中朝敘蔭多誰懸藁街首酌酒向銅駝

虞殞

左傳哀公十一年公會吳子伐齊將戰公孫命其徒歌虞殞杜預曰虞殞送葬歌曲獨

石

大明一統志獨石在開平衛城南一石屹起平地藁街漢書陳湯傳斬

以下宜懸頭藁街蠻夷邸問師古曰藁街街名蠻夷邸在此街也邸若今鴻臚客館也崔浩以為藁

初學集詩註 卷第十二

六

當作藁街即銅駝街也此說失之銅駝街在洛陽西京無也

咏雪三十韻

凜凜園中暮瀟瀟雪下遲雲同天黯淡霰集地離披

肅氣金方積嚴威玉律宜臺烏紛淺色林棘稍皴枝

帶殺來鳩署分寒出鳳池猶嫌霜稜去薄肯放日華

滋嘉石堆盈矩園扉穴剝規刀山尖矗矗鈴索墜纒纒

纒病柏封枯削孤篁壓倒垂牛頭噴變赤鵠面苦臧

鷲厚集俄成陣輕飛故薄惟酸風助饕虐凍雨聚淋

灑清濁容霑灑乾坤任剗剗彌漫巾池網歛頓駕空

篩粉飾都無隙恢張詎有涯菊花何太苦柳絮恐非

時虎穴誠難滿狐踪或暫夷漏壺冥冥且晦岸谷混高
卑半塞亡羊徑平填問馬岐橫空真跋扈失路亦迷
離溷廁那曾避汚泥總未差如何瓊玖質翻作糞溲
資瑩訝瑤臺碎清嗟玉尺隳何當依瓊闥重與集翠
恩繞徑行叻滑穿簾坐苦危聽臆分歎噫將策試扶
持悶想毡毳酒閑搜合開詩槎枵生肺腑皎潔見鬚
眉屯甲憐毛蜩封侯惜手龜老夫堪一噓卧憶蔡州

師

聽臆將策

邵氏聞見後錄退之雪詩喜深將策詩
驚容仰簷窺又氣嚴當酒廢灑急聽臆

荆公詠雪詩爲開火城將策
昌黎詠雪
詩何如雲屋聽臆知全用其句 毡 毳 酒 贈張籍詩

初學集詩註

卷第十二

九

狂教詩矧碑典與合開詩魏泰東軒筆錄慶曆中
西師未解晏元獻公殊

爲樞密使會大雪歐陽文忠公與陸學士徑同往
侯之遂置酒于西園歐陽公卽席賦晏太尉西園
賀雪歌其斷章曰主人與國共休戚不唯喜悅將
豐登須憐鐵甲冷徹骨四十餘萬屯邊兵晏深不
平之嘗語人曰昔日韓愈亦能作言語每赴裴度
會但云園林窮勝事鍾鼓樂清時却不曾如此合
開

雪夜次劉敬仲韻

冷壁寒燈焰欲收卅年身計一狐裘雪花似掌難遮
恨風力如刀不斷愁鶯攬高樓仍拉摺鼠爭深穴正
啣啾殘年大有拚身處美酒盈船共拍浮

卅 宋翊倚覺寮雜記數名冊音焜卅音穀甘音
入今直以爲二十三十四十不知音名不同

贈潞安孫道人詩

并序

道人往遊新安却病起死其効如神約友人程孟陽
訪余于虞山而不果余復官赴闕從新城王司馬沁
水孫司農問道人在所二公許爲余延致之亦不果
今年聞余有逮繫之禍重繭千里問余於請室道故
悲今相向歎息且約候余南還策蹇追隨共了還丹
大事余感其意作是歌以贈之并以訂其行焉

重繭

戰國策墨子聞之百舍重繭往
見公輸班高誘曰重繭累氈也

請室 漢書賈
誼傳造

請室而請學耳應劭曰請罪之室蘇林曰漢官
車駕出有請室令在前先驅此官有別獄也

道人昔踏天都峯倒吸黃海食芙蓉道人今居太行

初學集詩註

卷第十二

三

春手捫天井煮白石今年訪我南冠囚霜風裂面雪
鬢頭墜馬折腰卧旅店十日不食寒無裘古來神仙
多奇鷲英雄迴首人間事放驟老將青城客椎龍少
年倉海使君今已作愚谷叟肝膽輪囷尙如斗蹇驢
摺紙著巾箱鐵彈如風藏腦後君不見沁水尙書磊落人顧
食虎八十邊庭撫驕虜又不見沁水尙書磊落人顧
盼霜稜起眉宇昔年執手禁城闌閣道周廬旦復晨
沁水每憂當路犬新城欲購解飛人
王司馬詢余欲
購解飛人殺曰
余舉王莽傳答
之一笑而止
我從二公問孫老擬學還丹事幽討
二公笑我太早計擲却金蓮想火棗十載推移陵谷

中可憐。猿鶴與沙蟲。宣雲屬虜填。遼水澤潞知交。酌
朔風。我得幽囚豈非幸。尚有殘生坐智井耳。豁依然
箭著癩頭童。恰似頭生癭。羊羔酒熟歲云暮。我心不
留君。且駐君如朔鴈我。越鳥相將會逐高枝去。虞山
亦是一仙山。丹井銀筒紫翠間。結宇平臨兩湖水。朝
飛丹鶴莫呼還。

煮白石

真誥詭命授篇斷穀入山當煮食白石昔
白石子者以白石為糧故世號曰白石生

鐵彈

段柯古西陽雜俎章生移家汝州中路逢一
僧言論頗洽僧曰數里是貧道蘭若能左顧

千許之。比行寸餘里不至。曰已沒韋生疑之素善
彈密于靴中取弓御彈懷銅九十餘彈之正中其
腦凡五發僧始謂中處徐曰郎君莫惡作劇至一
莊延韋坐曰不知郎君藝若此適來所中悉存乃

初學集詩註

卷第十二

五

舉手擗腦後當路犬 戰國策江乙惡昭奚恤謂楚
王曰人有以其狗為有執而

五九墜地焉 愛之其狗嘗溺井鄰人見之欲入言狗當門而墜
鄰人憚之遂不得入言耶耶之難楚進兵大梁取

其昭奚恤取魏之寶器臣居魏 頸生癭 晉書杜預
傳吳人知

預病瘳憚其智計以瓠繫狗頸示之每大樹以銀
癭輒所使白題曰杜預瓠及城平盡捕殺之

筒 昭明招真治碑書 丹鶴 宋濂丹井銘游虞有虞
藏玉匣藥蘊銀簡

一世孫張道裕來隱其下建招真之治鑿丹井焉
宋淳熙中道士李正則浚井得藏丹石殘啓之化

為雙紅鶴飛入尚湖至
今湖中丹光煜煜然

次韻劉敬仲寒夜六首

寂寂寒廬弔影孤。咄嗟何計復彫枯。心如抱杵頻春
碓。身似投驍未入壺。樵悴移時枯樹賦。淒涼繞屋北

風圖長吟小飲猶堪樂愁坐書空定不須

抱杵

漢書楚元王傳王戊與吳通謀申公白生諫不聽胥靡之衣之赭衣使杵臼申春于市晉灼曰高肱舉杵投驍

正身而春之

投驍

葛洪西京雜記武帝時郭舍人善投壺以竹為矢不用矧

也古之投壺取中而不求還故入小豆惡其矢躍而出也郭舍人則激矢令還一矢百餘返謂之驍

言如博之擘棋子

移時

庾子山枯樹賦殷仲文風流儒雅海內知名代異時

移出為東陽太守常忽忽不樂

北風圖

後漢劉

寢桓帝時人曾畫雲漢圖人見之覺熱又畫北風

圖人見之覺寒尚書故實國朝李嗣真評事云顧

畫屈居第一然虎頭又伏衛協畫北風圖

小憩颯拉過歸鴉凍口銜寒陣不譁悶取青編古木

閑梳白髮鬪霜華差池梁燕恒辭社落薄巢鳩不

初學集詩註 卷第十二 三

置家漫道雪飛如柳絮可隨離夢到天涯

木稼

魏泰東軒筆錄熙寧三年京輔猛風大雪萬木皆稼冰及數寸既而華山震眾謂大臣當

之未數年而韓公琦薨王荆公作挽詞曰木稼嘗聞達官伯山類今見哲人萎蓋謂是也

尚有乾坤容傲兀可無環堵置琴樽望衡對宇躬耕

地流水青山獨樂園零雨故應悲在野停雲何必嘆

同昏綺衣夢斷梅千樹月落參橫與晤言

望衡對宇

水經注沔水中有魚梁洲龐德公所居土元居漢之際在白沙司馬德操宅洲

之陽望衡對宇

流水青

荃翁貴耳集獨樂園司馬公居洛時建東坡詩曰青山在

屋下流水在屋下有五畝園花木秀而野有園

有所得以十千白公磨之使去幾日自建一井亭

公間之直以十千為對復曰端明要作好人在直

如何不同昏淵明停雲詩八表縞衣東坡松風亭

仙雲嬌墮砌月
下縞衣來扣門

故山松桂傍人間不出林泉不閉關綠浪水迴新竹

逕紅欄橋繞舊漁灣穿雲卧石何曾開抹月批風也

未闕有日鄰僧共扶老綠溪畧約試梅還

穿雲卧石劉禹錫西山蘭社試茶歌欲知抹月批

風東坡和何長官六言絕句貧家何以娛客但知抹月批風施宿口禪宗有薄批明月細抹清風

語之

皮島傳烽數夜驚綠林銅馬苦縱橫憐才可但旌當

輒使過終須放絕纜急繕藁街懸雜種更營京觀待

初學集詩註卷第十二

長鯨至尊自定金湯計作頌休誇統萬城恭聞聖駕

漫記

皮島皮島在登萊海中綿亘八十餘里朝鮮居其

島之重門也北抵鎮江九連猶廣鹿之抵金復鎮

江至駿陽寬奠歷牛毛古董諸險始入老寨然地

越千里非偏師可以懸度天啓元年辛酉遼東守

武林仁和人毛文龍據皮島撫臣王化貞上其功千

報捷既而走朝鮮據皮島撫臣王化貞上其功千

朝授職總兵設鎮海外而島上之事始定終熹廟
世倡為牽制之說聯絡登津跨鮮控遼歲糜全錢
無勞走貊參以輪輦下諸君獻俘胃賞張投鞬擊
幟之虛聲而求所謂擣土奇謀實鮮有當也崇禎
二年已巳督師袁崇煥誘誅文龍收回賜劍符印
等分東江兵二萬八千為四協仍用文龍子毛承
祿及中軍徐敷奏遊擊劉興祚副將陳繼盛各營
一協虛其帥以俟有功者崇煥之意蓋在興祚也

興祚初名愛塔遼陽人最爲建州所親信愛塔者
愛他之謠也守金復每思自拔歸高陽所謂可間
而用解腰帶製誓髀壯士張業潛往招之遂改
名歸款柳河之役興祚欲以牛莊內應適召遠瀋
陽事不就建師圍錦州令其心膂吳堅忠徒步
報袁公得以先期戒備及高陽還里袁公罷去興
祚歸無所主始通于文龍凡及扒魚皮諸部二千
建州者咸資而遣之使奔東江先後不下千人文
龍累次報獲影畧與祚爲己功也興祚又遣耿仲
明兄弟來歸已則披羊皮雜難夕與共起居能陰
喜過挈握手出肺腑相告語晨夕與共起居能陰
以陣獲報興祚聞之恚甚會崇煥督師再出乃潛
以材官從格左右無譁者其力居多入謂袁倚講
款爲秘計恐文龍洩其機故欲之以滅口不知崇
煥本意謂建州愛興祚甚必欲釣之使歸其兄弟
相繼奔東江獨留其母則不遣誅戮者明以之爲
市耳若用興祚爲高師則間謀可通而款議或可
立就矣時祖大壽亦借款以重于袁恐向劉則已
輕遂挾袁不得用興祚崇煥赴援都門留之于寧

初學集詩註

卷第十二

五

遠道臣孫元化調關外兵入衛令興祚主騎將而
西入關遇高陽下車相慰勞涕泣誓死至青山營
帽兒頭遇敵自選夷漢丁八百騎夜斫營破之明
日輕兵出兩灰口與建師血戰中流矢而殞興治
居皮島聞兄死思變心銜陳繼盛謀報其弟興賢
以書招之因擊殺繼盛揚帆至長山島徐敷奏在
寧遠聞袁公磔恐亦破速日夜謀歸東江不可得
密約興治同叛至是期會參差不能卒發興治無
與治乃復返皮島高陽羈縻之踰年島人相率并
蹂躪登萊有德爲毛陣侍史文龍歿後帝梓梓兵
得志登萊圍解竟橫海歸建州當崇煥死朝廷復
立東江帥而沈世魁者有女國色文龍納之爲妾
尊寵冠一時歷毛劉陳黃四姓島人奉世魁不替
後島帥黃龍死朝議丁丑世魁死志祥黨襲島帥
職而監軍黃孫茂急繳上前將軍印以死拒之志
祥志不遂乃舉島投建州卽用爲伐朝鮮嚮導失
我屬國中朝瑱耳不聞高句驪竟作下句驪矣此
公之所以深致慨于島事毋爲念及不能舍然者

也戊寅部科決議撤島徙其民內入寧遠界內東江撤而十八年以來所謂分布覺華皮島廣祿諸處奇正虛實倚角互用之機并遠結朝鮮近據鎮江多方誤之之法咸與島事相終始焉由今思之亦安得謂文能牽統萬城吐于阿利領將作大匠制之說爲盡非乎統萬城晉書載紀赫連勃勃以營起都城勃勃自言朕方統一天下君臨萬邦可以統萬爲名水經注赫連勃勃于無定河北黑水之南築閱城崇禎十年丁丑九月車駕闕城成國統萬城公朱純臣及協理陸完學統京營兵屯宣武門外上名工人登西南城樓賜酒賜金櫛至是而培城之議決培城者以南城薄詔加築如丙城命丙官丁紹理馬光忻總理分任又濬大濠于五里外壞民塚墓工未及竟而止東西北無外城竟未

之省也
結蘭延佇自幽幽。解珮何當怨蹇修。騏驎生難逃係。鯨鯢死不爲吞鉤。人間有賦難名別。天上無方可

初學集詩註

卷第十二

五

寄愁投老王官尋二士築亭吾亦記休休

寄愁

後漢書仲長統傳寄尋二士東坡次劉景文

湖詩共向北休休新唐書司空圖傳司空圖隱居山尋二士中條山王官谷名亭曰休休作

再次敬仲韻十二首

白髮盈頭不耐刪。無才老子剩癡頑。摩娑明鏡看生面。吟咀殘書理舊顏。愧我勞人殊草草。輸他柔者自閒閒。江南路在春明外。落日飛鴻山外山。

癡頑

五代史馮道傳德光謂之曰你是何

癡頑等老子對曰無才無德癡頑老子春明樂天

勸酒詩春明門外天欲明喧喧歌哭半死

生遊人駐馬出不得白轡紫車爭路行

不知何罪晝衣冠。肯信眉於眼下安。路入藕絲行偏側。身藏針孔坐艱難。穴中鳥鼠眠方穩。水底魚龍臥亦寒。祇恐清宵又成夢。幾迴撫枕到更闌。

眉安眼下

翻譯各義集古德頌行苦密遷云如以一睫毛置掌人不覺若安眼睛上違害

極不安愚人如手掌不覺行苦

遷智者如眼睛遠極生厭患

針孔 五燈會元開元智收禪師

上堂云 向針眼裏藏身

鳥鼠 向針眼裏藏身

洛陽伽藍記赤嶺有鳥鼠同穴異種

共類鳥雄鼠雌

魚龍

水經注沂水東北流歷澗注以成淵出五色魚俗以為靈因謂

是水為魚龍水

四壁霜華促曙光。中腸結軫重增傷。涉江楚頌無甘橘。故室吳羹有稻粱。逆水雙魚多撥刺。退風六鷁更迴翔。劇憐世事兼身事。咫尺殘燈意渺茫。

初學集詩註

卷第十二

三

結軫

屈原九章心鬱結而紆軫王逸曰軫隱也言憂思鬱結心中交引而隱痛也

甘橘

學齋佑畢屈正平九章中特出橘頌一章朱文公謂受命不遷謂橘踰淮為枳也原自比志節如橘

不可移徙亦因以自託也

逆水魚

漢書五行志魚陰類民之象逆流而上者民將不從君令

為逆

行也

誰將瓶缶餉虛空。墻壁依然與我同。生計烏枝依曉月。世情馬耳過東風。粧樓鶯語當春半。禪榻花殘正酒中。雪窖冰山無不可。與君朝夕對芳叢。

風輪轉地劫為塵。猶喜皇天剩此身。顧影自歌將進酒。窮冬還賦惜餘春。端居有疾憂非鬼。空谷無聊喜

似人比屋商聲出金石可知吾道未爲貧

長安也向日邊看矮屋雞棲仰面難。臆雪可令長夜

且壺冰豈爲一人寒。蟻肝無復堪砧几。魚尾何曾戀

竹竿北叟南翁居接戶始知憂患果無端

北叟南翁 少陵贈竿八文判官詩垂白辭南翁委身希北叟

鶴蓋成陰柳市頭金張趙李互經綵鄒陽下獄悲金

鑠陸賈逢時歎石浮 浮石沉木語見新語莫以鵝雛償腐鼠好

將鴻羽換沙鷗江東舊隱西湖畔數折溪橋一宛邱

鶴蓋 劉孝標廣絕交論鶴蓋成陰李善曰石浮陸劉楨魯都賦蓋如飛鶴馬似游魚

新語辨惑篇夫衆口之毀譽浮石洗木宛邱有邱宛宛如偃器也

初學集詩註 卷第十二

三

交疏廳閣暗傷悲腸底車輪攬夢思滿鏡新粧留半

面堆奩濃黛約雙眉雪深椽燭攤書夜酒罷銀缸擁

髻時歸日胡麻正堪飯更須量畝種神芝

攤書 朱弁曲洧舊聞宋子京修唐史嘗一日逢大

雪添帟幕燃椽燭一秉燭二左右熾炭兩巨

爐諸姬環侍方磨墨濡毫以澄心堂紙草某人傳

未成顧諸姬曰汝輩俱曾在人家見主人如此否

可謂清矣皆曰無有其間一人來自宗子家于京

日汝太尉遇此天氣亦復何如對曰只是擁爐命

歌舞間以雜劇引滿大醉而已如何比得內翰子

京點頭曰也自不惡乃閤筆掩卷起索酒飲之明

日對賓客言其事後量畝種芝

東方朔十洲記方

每宴集屢舉以爲笑

丈洲在東海羣仙

萬耕田種芝草課計頃畝如種稻狀

不欲升天者皆往來此洲仙家數十

心情蕭瑟稱初冬晝懶逢人夢亦慵日夕雞埒愁土

室歲時豚栅羨村農。絡頭是處皆牛馬。假足何人比
距蚤。紫柏聲聞都未了。法堂依舊五更鐘。紫柏老人
坐化獄中

有偈云。柝聲未續於聲續。誰是聲兮誰是
聞。却憶法堂鐘鼓。佞古來竟夢更紛紜。

假足韓詩外傳西方有獸名曰麀。前足鼠後足兔
得甘草必啣以遺。蚤蚤距虛其性非能蚤蚤
距虛將為
假之故也

局趣真成轅下駒。敢云世難恨為儒。紛紛戎馬羞稱
老。落落乾坤自覺孤。雄雉有媒逢弩鏃。鹿生無命繫

庖廚。朝來盥醜臨青鏡。他日何慚魯衛徒。

鹿生韓詩外傳。崔子弑莊公。晏子出授綬而乘其
僕。馳晏子曰。麀鹿在山林。其命在庖廚。命有

所懲。安在疾驅。安行戒節。然後去之。魯衛徒左傳。哀公十四年。于方
日事于我。而有私于其

初學集詩註 卷第十二 天

譬何以見
魯衛之士

丙舍經營拂水陽。齋心筮易得歸藏。漏春岸柳迴殘

綠。破臘江梅發古香。鴻鴈計周謀稻黍。鷓鴣枝穩稱

飛翔。耦耕重訂高人約。一段茶窠百本桑。孟陽詩云
何時鉏破

東臯雨一段
茶窠百本桑

每頌新詩可樂饑。連牆却喜竝圓扉。焚膏東壁分餘

照。曝背南榮共夕暉。落落比鄰如置社。紛紛朋好欲

忘歸。亦知昔夢聊相似。銅鞮秋衾與願違。

連墻列子。仲尼篇。連墻
曝背。相如子虛賦。曝于南

日中也。榮
屋南檐也。銅鞮。李賀還自會稽歌。臺城
應教人。秋衾夢銅鞮。

續次敬仲韻四首 有序

余在詩室與敬仲司空比屋而居昏夜得句扣門索
和僮僕相嘲曰乞火乎索米乎敬仲每屬和輒出意
表余告之曰不量彼已輕兵挑戰勇而無剛慶為宿
將所困天道後起者勝非獨戰之罪也願公執螯弧
先登僕謹厲兵秣馬以待敬仲默默不應越數日忽
出詩二十二首波騰泉湧首尾爛然燒燈呵硯次第
和之已而笑曰敬仲之默而不應者示怯以誘我堅
壁以老我也已而連章累紙絡繹見示者重兵以壓
我驟出以窘我也敬仲于致師之法則巧矣黃池之

初學集詩註

卷第十二

三九

役昏而戒令雞鳴而壓晉軍王親執枹鼓三軍譁鉞
以振旅聲動天地吳可謂毒疼矣雖然盛氣盡銳掩
人不備固未可謂堂堂正正之師也余不知兵法不
勒部曲免胄大呼獨身搏戰雖未能斬將褰旗視晉
師之大駭不出周軍飭壘則固有間矣自今以往交
綏而退偃旗息鼓以避敬仲之顏行敬仲又將曰是
其目動而言肆乎當更用何法以肆我也丁丑十月

十六日

譁鉞

國語注韋昭曰譁鉞譁呼

顏行

漢書嚴助傳如使越人蒙微幸以逆執事之顏行文

穎曰顏行猶屬行在前行故曰顏也

疹音聲
病也說文
馬詩作
又音詳
多貌亦自
繼也引相
信曼河流
形以陸離

跛足爭教欲上天。筆牀茶竈夢孤煙。白蟬舊得藏身
訣。黃妣新繙却老編。爾雅蟲魚休辨鼠。離騷香草只
宜荃。丹鉛黠勘紛成訟。漏轉燈欹月正圓。

欲上天 後漢書五行志王莽末天木童誼日出吳門望緹郡見一蹇人言欲上天令天可上

地上安 黃妣 御覽金樓子曰有人讀書倦為黃妣

得民 此蓋言其怡神 辨鼠 爾雅釋獸豹文鼯鼠郭璞曰

養性如乳媪也 鼠文彩如豹者漢武帝時得

此鼠孝廉郎終軍知之賜絹百尺疏曰武帝嘗得

豹文鼠終軍以爾雅辨其名故受賜也藝文實氏

家傳曰富佞治爾雅舉孝廉為郎世祖得鼠身如

豹文問羣臣莫知佞對曰名鼯鼠見爾雅詒案視

書如佞言詒諸弟

于從佞受爾雅

偷得微生萬事慵。灰飛緹室候初冬。畢箕風雨難憑

初學集詩註 卷第十二 三

惟柄鑿方圓費彌縫。北郭先生生已老。東家夫子于

為恭。濁醪餽飯吾年事。莫以山林羨鼎鐘。

北郭 後漢書廖扶傳時人號為東家 白氏六帖魏

北郭先生年八十終于家 原字根矩

欲遊學請孫容崧曰君鄉里鄭君學覽古今博聞

多識而君捨之履千里所謂鄭為東家邱也原曰
人各有志或登山採玉或入海求珠豈可謂登山
者不知海之深也先生謂僕以鄭為東家邱亦以
僕為西家愚
人崧辭謝之

寒空雨雪正霏霏。枯坐西牕歎舉肥。圜土冰深知地
降窮。冬水澗與天違。履能適足何須截。怕可蒙頭不
解飛。莫向唵嚙悲晚。懸車猶足攬餘暉。

舉肥 宋玉九辨今之懸車 淮南子天文訓下篇曰

相者吟舉肥 懸車 至于悲泉爰息其馬是

謂懸車陶淵明王撫軍座送客
詩晨鳥莫來還懸車斂餘暉

夜亦漫天巨曉嗽關心象緯未堪論兔知霜降先營

窟蟲為苗蕃早蝕根壁上畫龍成底事夢中案鹿竟

誰究圓狴大有乾坤在司寐無勞報夕昏

圓狴沈佺期觀放詩聖人
有天下幽籥動圓狴司寐周禮秋官司寇司
寐氏鄭玄曰寤覺

也主夜
覺者

生日詩三首

孫吏部昌齡

百年胡不樂斗酒且相於莫歎山公啓今為城旦書
林風傳舊嘯隰雪映新居零雨將為別題詩料子如

初學集詩註 卷第十二

三

倪戶部嘉慶

輓餉紆雙管籌邊轉寸腸風霜諳下吏冰雪見清郎
却掃韋編淨清齋梵筴香看君仍仰屋憂國意何長

劉司空榮嗣

淮壁難遮害寒菱幸告功若為秦獄吏來議漢司空
河伯憂方大波臣論自公憑將尊酒意一問緯蕭翁

寒菱漢書溝洫志奉長菱今淮美玉瓚曰
竹葦種謂之菱所以引至土石也

送何士龍南歸兼簡盧紫房一百十韻

崇禎聖天子帝德邁陶唐疇咨若余承共戩亂紀綱
鉤黨窮部牒告訐登巖廡羣小競趣走翕若中風狂

我我格天閣。沉沉偃月堂。聚族謀且晚。鎖門算昏黃。
手繕女奴跡。足摩胥史牀。諷指變鹿馬。蜚語沸蜩螗。
牢修旣告變。朱竝復上章。納言敢封駁。投匭任披猖。
伊余退廢士。杜門事耕桑。十年守環堵。一朝瑣銀鑰。
天威赫震電。門戶破蒼黃。詔紙疾若飛。官吏仆欲僵。
有母殯四載。西風吹畫荒。有兒生九齡。讀書未盈箱。
賓客烏獸散。親族憂以瘁。或有疆近者。懼累遭禍殃。
日笑復手笑。堅坐看戲塲。或有狎獐者。黠鼠而貪狼。
毀室謀取子。壞垣墮我床。挪揄反皮面。詆誅騰誹謗。
唯有負傭流。弛擔語畫傷。唯有龐眉叟。戟手呼彼蒼。

初學集詩註

卷第十二

三

市人爲罷市。僧院各炷香。我心鄙兒女。刺刺問東裝。
暮持襍被出。詰朝抵金閨。門生與朋舊。蠶涌來四方。
執手語切切。流襟淚浪浪。惜我儻從弱。念我道路長。
或云權倖門。刺客如飛蝗。穴頸不見血。探頭入奚囊。
或云盤殮內。鳩董寘稻梁。七箸一不慎。墳裂屠肺腸。
誰與警昏夜。誰與衛露霜。誰與扶跋扈。誰與分勳勳。
何生奮袖起。雲也行所當。闔門置新婦。問寢辭高堂。
典衣買書劍。首路何慨慷。是時馮使君。元送我臨京。
江。浙將解符印。從我俱存亡。敬子執高節。再拜舉壺。
觴。江流怒飛立。三山擺雷硯。白日忽西匿。青天爲低。

昂行行度淮水登頓相扶將弔古漂母廟祈靈岱宗

陽杜亭賢主人

盧德水家有杜亭

寄館仍異瓶不憚開車載

不難復壁藏窺戶無停屨追蹤多飲章歸死赴司敗

垂頭就桁楊洵洵同文獄剗肌生瘡瘍共莊籍口語

曾史主盜臧百死無一免引義自激昂嘔累皮與肉

堅忍枝蕪榜多謝老頭顱且暮虎穴葬何生夜草疏

奮欲排帝閭黯淡蚊撲紙傾欷蚪成行殘燈焰明滅

房心吐寒芒祖宗牖惚恍天心鑒明明眉山摘牙牌

分宜放鈴岡執彼三屍蟲打殺銅駝傍孤臣獲更生

朝市喜相慶吁嗟禍福交誰能保故嘗與曾附蕭傅

初學集詩註

卷第十二

三

畏終叛呂仿何以見魯衛徒然痛陳臧歎子一逢掖

眇小少不颺秉鎖乞收李舉幡請留陽擬子於何蕃

譜謀誠有光孟冬家書來念母心不遑有憂食三歎

矧乃惰與翔星言卷衣被別我歸故鄉我欲繫子駒

顧視心偃偃子行急師難子歸慰母望丹青或可渝

此義永不爽我欲送子去鐵門限堵墻圍土無尺水

何以當河梁我欲與子訣有如瞽失明駉蛩一相背

嚙負徒仿佯旋思獄急日痛愈撫鉅創炙手勢轉熱

彌天網高張叫閭遠萬里引刀耻自戕和藥趣朱游

呼囚到王章黑黯牢獄苦炎蒸三伏場矮柵棲鵝鴨

糞壤轉蝓蠅。卧熏腐齒臭。渴飲伏屍漿。夜夜入針孔。
朝朝坐劍鏃。此日吾與爾。志壹氣益強。高論窮結繩。
和歌出宮商。人生如嗜味。患難宜飽嘗。阨陳良亦樂。
在莒安可忘。道遠兵甲阻。歲暮雨雪零。單行寡命侶。
蹇驢艱服箱。冰堅掃狐跡。雪深埋鹿迹。禽獸猶踟躕。
子行慎跌踢。我行亦不遠。歸心急鵝鷄。介恃聖明主。
數日離火湯。縱使荷戈爰。終然反菰蔣。買舟具苓簪。
結庵依枕櫛。矯志厲桑榆。與子共縹緲。學詩辨四始。
識字探三倉。頻年苦病患。學殖日以荒。我欲師甯越。
秉燭代日光。勿復慕富貴。時世難顏頰。引鏡看頭目。
初學集詩註 卷第十二 孟

豈是鼠與麀。勿復憂貧賤。順逆隨牛羊。譬如死牢戶。

誰以軀命償。拂水有丙舍。青山抱長廊。老桂長新枝。

江梅發古香。君歸持此詩。灑掃揭東廂。解鞍憩杜亭。

先以告紫房。

共咬

昌黎江陵塗中寄三翰林詩首罪誅共咬注曰咬古文兜字也山谷丁卯雷詩政可衆賢

利乃可咬共咬任淵曰共謂共丁巖廊後漢書百

段謂驪與古文驪作鴉與作咬

耶從獵還宿殿陛巖

下室中故號巖廊 偃月堂開天傳信記平康坊

甫嘗第也林甫于正寢之後別創一堂制度彎曲

有邦月之形名曰月堂每欲破滅人家卽入月堂

精思極慮喜悅而出其家不存矣及將敗林甫于

堂上見一物如人遍體被毛踞牙鋸爪長三尺餘

日如電光而怒視林甫連叱不動遂命弧矢毛人

笑而跳入前堂堂中青衣遇而暴卒經于廐廐中

善馬亦死不數
女奴跡王御東都事畧富弼傳石介作慶曆聖德詩以弼仲淹此之夔契而詆夏竦竦怨之會介周記于弼說

以行伊周之事竦因傾弼等乃改伊周記于伊霍使女奴陰習介書為廢胥史牀史記酷吏傳張湯所立詔章飛語上聞

里主人湯自往視疾為謁居摩足牢修後漢書黨錮傳河內張成善說風角推占當赦遂教

子被人李膺為河南尹習促收捕竟案殺之成弟子牢修因上書誣告膺等養大學遊士交結諸郡

生徒共為部黨于是天子震怒逮捕黨人遂收執膺等朱竝張儉鄉人朱竝

承望中常侍侯覽意旨上書告張儉等二十四人共為部黨壽荒記喪大記大

列轍三列鄭氏曰荒蒙也在旁日惟在上日荒皆

所以衣柳也畫荒緣邊為雲氣火轍為列于其中

耳彊近李密陳情表外無朱禮部韻朱禮也昌黎進

學解大木為宋韓盡傷書酒誥民罔不盡傷心朱

淳日屋大梁也盡傷并曲消舊問李方叔作東

初學集詩註 卷第十二 三

坡祭文云識與通鑑賊入通化坊擊裴度傷

不識誰不盡傷其首墜溝中度詭呼吳得不

死嫌人王義自後抱賊大呼雷礮拉獵雷礮李善

賊斷義臂而去注曰復聞臣賢日飲猶隱却告人姓名無

日崩砲飲章後漢書蔡邕傳邕以飲章辭情何綠

之聲復聞臣賢日飲猶隱却告人姓名無

可對問章者熱榜漢書張耳傳高對獄吏榜咎

博擊之也熱音而悅又應摘牙牌萬安山人正統

劭日以鐵刺之又燒灼之摘牙牌春坊十三年進

戊辰進士景泰三年以易儲升左春坊十三年進

首相二十二年庶吉士鄒智斥安食位固寵老無

廉恥御史湯禱上疏乞治安等欺君誤國之罪孝

宗在東官給聞其惡至是于宮中檢獲安所進疏

所為乎安漸汗不能出一語而科道官列其疏

懷思持至內閣令人讀之安跪而起而復跪哀

涕乞憐全無去意懷思摘其牙牌日請公決去安

乃惶遽索馬歸第及放還放鈴岡嚴嵩字惟中

道猶看三合星冀復用也不宜人引治

乙丑進士選庶吉士謁告歸里居鈴山之東堂後
登相位得君專政驕子世蕃用事誅夷忠良噴貶
網紀貪橫日甚御史鄒應龍具疏劾劾上心厭之
遂削籍放歸人謂近代權奸之首萬蜀山以後所
僅見

叛呂防

王傅東都事畧揚其首萬蜀山以防劉擊
也

防為山陵使畏首背大防稱述熙寧元豐陳臧後
政事與王安石學術皆宗信之大防罷
書臧洪傳洪為袁紹所徵陳容在坐謂紹曰舉大
事而先誅忠義豈天意紹慙使人牽王符傳皇甫
日寧與臧洪同日生也

逢掖

後漢書王符傳皇甫
規解官歸安定鄉人

不與將軍同日生也
有以貨得鴈門太守者書刺謁規規不起項白
王符在門衣不及帶屣履出迎時人語曰徒見二
千不逢猶大也大掖之衣大袂單衣也
程大昌
註逢猶大也大掖之衣大袂單衣也
不遇
演繁露
昭二十八年襲莖惡注貌醜也叔向舉賈大夫射
雉以方之而曰今子少不醜子若不言吾幾失夫射
注顏貌不顯揚也漢田蚡
秉鑕
後漢書李固傳固
傳蚡貌寢寢即不揚也

初學集詩註

卷第十二

三

固弟子汝南郭京年始成童遊學洛陽乃舉幡漢
左提章鉞右秉鈇鑕詣關上書乞收固尸

鮑宣傳宣下廷尉獄博士弟子濟南王威舉幡太
學下曰欲救鮑司隸者會此下諸生會者千餘人

留陽
新唐書陽城傅城出為道州刺史太學諸生
何蕃李償王魯卿李謙等二百人頓首闕下

請留
情與翔
記曲禮父母有疾冠者
驅蚤
爾雅釋
城
情有與翔不擄行不翔言不惰
驅蚤
爾雅釋
有比肩獸焉與蚤蚤虛虛比為叩叩虛虛

甘草即有難叩叩虛虛負而走其名謂之摩
鹿
遠
劉熙釋名鹿免之道曰充行不蹄躡
記三年問先
由正亢陌山谷草野而過也

喪其羣匹越月踰時焉則必及循過其故鄉翔迴
焉鳴號焉蹄躡焉
脚躡焉然後乃去之鄭氏曰蹄
蹠不

行也
扶蟻
爾雅釋蟲王扶蟻疏曰此蜘蛛之一種
者是也
扶蟻
也穴居布網穴口有蓋鶴下玄鶴加師

結切蟻音陽
鵠鵠
古曰鵠鵠也今關西呼為鵠鹿
山東謂之鵠鄙俗各錯落者亦言鵠聲

之急其又謂鵠將鵠鹿鵠將皆象其聲音也
寧越

呂氏春秋甯越者中牟鄙人也苦耕稼之勞謂其友曰何爲可以免此苦也其友曰莫如學也學三十歲則可以達矣甯越曰請以十五歲人將休吾不敢休人將卧吾不敢卧學十五年而爲周成公之師頭目南部新書李揆秉政苗待中薦元載揆不納謂晉卿曰龍章鳳姿之士不可見麀頭鼠日之子乃求官耶

渭南梁生爲余寫真題二絕句

鷓鴣南冠冰雪晨。天庭黃色自生春。憑君摹寫胥靡樣。可是商家夢裏人。

畫得漁翁貌不肥。春愁鶴髮正依稀。君家渭水南頭住。爲我平添舊釣磯。

趙璧

初學集詩註

卷第十二

三

趙璧連城貴蘭花有國香猶堪傳脂粉三十侍中郎

國香

左傳宣公三年鄭文公有賤妾名燕姑夢天使與已蘭曰以是爲而子以蘭有國香人服媚之如此

送陳生崑良南歸

席帽疲驢問牖城。風饗雪虐淚縱橫。夜闌秉燭知何地。酒罷扶牀感再生。只有寒燈隨我住。且將歸夢伴君行。棘林漸解彌天網。道路悠悠莫愴情。

棘林

王元長永明九年策秀才文脚石少不寬之人棘林多夜哭之鬼

寄文王

敢謂前賢畏後生。紀羣交誼古人情。家庭實有晨昏

明鄉里虛傳月旦評
蕢酒悲歌憐北寺
明燈布席想南榮
啼猿唳鶴君休歎
并與鸚鵡作友聲

畏後生

沈作誥寓簡歐陽公晚年常自竄定平生所爲文用思甚苦其夫人止之曰何自苦如此當畏先生嗔耶公笑曰

不畏先生嗔却畏後生笑

寄侯豫贍督學江西

水鑑清時吏部郎
持衡專得典文章
濯腸篆籀吞江水
炫日蛟龍鬥茂
勵俗烝嘗先兩廟
南昌康郎採兩忠臣廟採

風詞翰繼三王
停車五乳峯前院
爲我重拈一瓣香

慈山大師葬廬山五乳峯下

篆籀

五代史王仁裕傳仁裕喜爲詩其少也嘗夢剖其腸胃以西江水滌之顧見江中沙石皆

初學集詩註 卷第十二

三

爲篆籀之文由是文思益進蛟龍王予年拾遺記昆吾山有獸大如兔穴地爲窟亦食銅鐵

昔吳國武庫之中兵刃鐵器俱被食盡王令檢庫穴獵得雙兎一黃一白殺之開其腹有鐵膽腎乃

名劍工令鑄其膽腎以爲劍一雌一雄號于將鏤劍後以石匣埋藏及晉中興夜有紫氣衝斗牛張

華使雷煥爲豐城令掘而得之華與煥各寶其一後華遇害失劍所在煥子佩其一劍過延平津劍

鳴飛入水尋之但見雙龍三王王勃字子安爲滕纏屈于潭下不能前取

王閻記王緒爲賊貞元元年王仲舒爲連州司戶爲修閻記昌黎新修滕王閻記竊喜載名其上詞

華州郭盾伯過

君是郭林宗
衣冠見慕同
偶然來朔雪
相對感流風
舊論城南在新圖
冀北空巖更憐促
別愁坐燭花紅

新圖 少陵韋諷宅觀曹將軍畫馬圖詩今之新圖有二馬復令識者久嘆嗟

五芳井歌

丙子之秋□再入。旁午軍書刺閨急。獨石邊牆一夜
鏖。赤縣黃圖少完邑。定興小邑大如斗。登陴死為朝
廷守。羊馬城前礮火飛。蝦蟆車上雷聲吼。肉薄登城
踏積屍。麗譙漂血巷流脂。狼藉滿城忠義鬼。骨撐骸
拒知為誰。君不見奉嘗鹿大夫。奮髯嚼齒詈羯奴。峩
冠整衣抗白刃。至今衫袖血模糊。又不見范家五芳
井。婦姑母女同素纒。俄頃芳魂斷。輾轉千古寒泉見
形影。胡兵宵遁三輔清。乳燕連窠枝半傾。大開明堂
初學集詩註 卷第十二 五

論爵賞。惟籌廟算皆公卿。朝家彝典有倫次。先策功
勳後節義。金貂石筓如等閑。愍綸綽楔非容易。奉嘗
碧血埋荒邱。五芳井水空悠悠。尚書不肯判紙尾。詞
臣何處書詞頭。吁嗟乎忠臣烈女心亦苦。冤鬼猶思
掃□□人間金盃幸無恙。井底銀瓶何足數。老夫觸
事淚滂沱。偪塞汎瀾一放歌。此身不共□□死。忍死
幽囚可奈何。

刺閨 陳書文帝紀一夜內刺閨 羊馬城 武經總要

取外事判者前後相續 羊馬城 羊馬城高

可一丈以下八尺以上亦偏開一門與城門相高

昔若甕城門左右即羊馬城門左右也女牆高可

五尺壕面各隨其地為濶狹大要在面濶底狹其

深及泉使箭砲難及即佳通鑑賊將周華捨南城

并力攻中潭光偶命荔非元蝦墓車南史侯景傳
禮出勁卒于羊馬城拒賊賊又作蝦墓
車運土石填擊戰士賊死積于城下鹿大夫禎
至城內飛石碎其車賊死積于城下九年丙子七月二十七日定興陷太常寺少卿鹿
善繼字伯順登陲守南門城破為所擒嚼齒怒罵
不屈嚼齒大呼輒裂皆血面嚼齒皆碎何至是答
而死嚼齒大乎輒裂皆血面嚼齒皆碎何至是答
日吾欲氣吞逆石窳左傳成公二年齊侯見保者
賊顧力屈耳子曰君免乎曰免矣曰鏡司徒免乎曰免矣曰苟
君與吾父免矣可若何乃奔齊侯以為有禮既而
問之辟司徒之妻也予之石窳杜預曰石窳邑名
濟北盧縣東有地名石窳御覽十道志曰石窳在
長清銀瓶王逢梧溪集銀瓶娘子辭引娘子朱岳
縣在浙西憲司之左逢
感其節孝敬為之辭

張將軍全昌挽詞二首

初學集詩註 卷第十二

四

醜口游寬在雄邊宿將稀將軍今又沒部曲竟何依
恨不沙場死還從馬革歸可憐臯某復猶用舊征衣

雄邊

漢書敘傳當孝惠高后時以財雄邊師古曰班氏以多財而為邊地之雄豪

臯某

復

記禮運升屋而號告曰臯某復正義曰臯某復者謂北面告天曰臯臯引聲之言某謂死者名

令其反復鬼復鬼不復

赤血真堪灑丹書未肯刊死填牢戶易生拔賊營難
不汗逾三日無錢買一棺蕭蕭廣柳出易水正風寒

不汗

魏志華陀傳縣吏尹代苦四支煩口中乾不欲聞人聲小便不利陀曰試作熱食得汗即

愈不汗後三日死

戲題萬戶部小像

萬一目偏盲偏頭人故督師世德之子

目送歸鴻故自難。傳神正向此中看。荊州恰好添飛
白子夏何妨戴小冠。公子秋風思北渚。孤臣落日望
長安。籌邊蕩寇傳家事。屈指沙陀舊將壇。

飛白

世說術解篇顧長康好寫起人形欲圖殷荆
州殷曰我形惡不煩爾顧曰明府正為眼耳

但明黜童子飛白拂其小冠漢書杜欽傳杜欽字
子夏家富而目偏盲

茂陵杜鄴與欽同姓字故衣冠謂欽為首子夏以
相別欽惡以疾見詆乃為小冠高廣才二十由是

京師更謂欽為小冠杜北渚梁書劉孝綽傳孝綽
子諒少好學有文才

為湘東王所善王嘗遊江濱歎秋望之美諒對曰
今日可謂帝子降于北渚王有目疾以為刺已應

日卿言目渺長安皎然贈吳馮處士詩還如瞽沙
渺以愁子耶

時謂之獨眼龍楊行密欲識其狀使畫工詐為

初學集詩註

卷第十二

聖

商賈往河東寫之人有知其謀者擒之克用甚怒
既而曰吾素眇一目試使寫之觀其所為何如時
方甚暑克用執八角扇因寫扇角半遮其面克用
之狀仍微合一目以觀箭之曲

若活一百年

三春赴追捕皇皇喪家狗入夏禁牢獄兀兀困械紐
仰屋棲雞踞負牆坐土偶欲行甕其足欲言暗其口
朝飧棘喉飯夕飲攢眉酒憂來頻擗胸悻甚輒捧首
領嘗難管腰卯或不保酉如此一歲生可抵一日否
陰獄強過活鬼趣預消受歲月良亦多此歲何必有
六十甲子中譬如闕丁丑若活一百年只算九十九

擗胸

詩國風柏舟章寤辟有擗毛萇傳曰辟拊心也

捧首

莊子達生篇雷有委蛇惡聞雷

車之聲則捧其首而立此因緣故名鬼趣

鬼趣

法苑珠林鬼神部謂五趣中從他有情希望多者無過此故出

如此過兩年

兀坐牢戶中日長苦迢遙四季皆慘悽六時自鉗鈇

三伏有煎熬八寒無代替有日天蒼涼無風氣陰曠

晷短方偃息夜永又吟嚙牆屋鼠啾啾牀第鬼排擠

生憎日輪出長患天門閉矛頭豈容浙戶限何當憩

遙遙度一日當以一歲計暫看杯度別瞥見銅人製

三百八十日強半彭祖世如此過兩年便算八百歲

初學集詩註

卷第十二

里

鈐鈇

漢書食貨志注師古曰鈇足鈇也音徒計反

戶限

南史劉瑀傳謂所親曰人仕宦

不出當入不入當出

杯度別

慧皎高僧傳杯度在彭城聞鳩摩羅什在

安能長居戶限上長安曰吾與此子戲別三百餘年杳然未期遲有遇于來生耳

昔我年十七

昔我年十七鼓篋游博士文章吐陸離衿帶垂旖旎

朝英啓夕秀粲若嫩花藥壯盛迫婚宦憂患自茲始

荏苒四十載隻身攢譽毀羅網高于天性命薄于紙

皇天可憐我如禾秋蕪蕪健如犢上樹壯若駒未齒

今年五十六從頭自經紀餘年爲再生故我如已死

判將四十年捐付東流水天道周而復明年十七耳

次韻答潘朗士員外投贈

物論喧呶混稀苓。將車盡日歎冥冥。誰思灼艾醫龍
病，但解堆鹽刻虎形。滅死蔡邕仍續史，踰冬劉向又
傳經。莫憐幽仄論垂釣，貫索中間有客星。

混稀苓

昌黎進學解醫師以昌陽引年欲進其稀苓也東坡次黃魯直見贈老嫗詩千金得

奇藥

開視灼艾傳奇崔焯見乞姬老嫗覆人酒瓮皆稀苓

脫難

吾善灸贅疣今有越井岡艾少許奉子後焯

墮大枯

井中一白蛇可長數丈細視之唇吻有疣

有遙火

飄入穴焯然艾炙之是贅應手墮地跨蛇而去觸一石門入戶見小青衣笑曰玉京子送崔

家郎君

至矣須臾有四女曰皇帝曰配田夫人奉箕帚中元日于廣州蒲澗寺靜室吾輩當送田夫

人往知

有鮑姑艾可留少許出穴後及中元日果四女伴田夫人至問鮑姑何人曰鮑靚女葛洪妻

初學集詩註

卷第十二

聖

也曰呼蛇為玉京子何也日安期生

堆鹽左傳僖公三十

年注杜預曰形鹽鹽形象虎周禮天官傳經漢書

豕宰鄭氏曰築鹽以為虎形謂之形鹽傳經劉向

傳偽鑄黃金繫當死上奇其材得踰冬滅死論幽

會初立

穀梁春秋徵受穀梁講論五經于石渠

仄

少陵寄章十侍御詩朝觀從容問幽仄勿云江漢有垂絲

圓屏地北限天南只似雲堂未放豸一夜烏頭虛變

白三生鴻爪誤精藍小兒未許呼中令上客真成解

左駮宋玉可能傳帝筮修門容易向江潭

精藍

首楞嚴經退歸呼中令東坡書李太白真詩精舍祇見伽藍

宿日

子儀為中解左駮史記晏子傳越石父賢繆

書令封汾陽王解左駮史記晏子出遭之塗解左

駮贖之載歸弗謝久之請絕日吾聞君子諫于不知已而信于知已者方吾在縲絀中彼不知我也

夫子既以感悟而贖我是知己知已而無禮固不如在縲繼之中晏子於是延入爲上客

新阡八景詩 并序

拂水回龍

南條之龍萬里渡江自沙山而香山而虞山結爲縣治東爲馬鞍山其中枝繇拂水巖蜿蜒弭伏落脉於此故曰拂水回龍

虞山南戒一校來騰踊龍身萬里迴奔向馬鞍鱗爪去點成烏目眼睛開虞山一名烏日山合珠四海濡泉壤銜

燭千年照夜臺長灑天河降時雨噓雲膚寸起風雷

南戒

新唐書天文志貞觀中淳風撰法象志因漢書十二次度數始以唐之州縣配焉而一行

初學集詩註

卷第十二

器

以爲天下山河之象存乎兩戒北戒自三危積石負終南地絡之陰東及大華踰河並雷首砥柱王屋太行北抵常山之右乃東循塞垣至潞循朝鮮是謂北紀所以限戎狄也南戒自岷山蟠冢負地絡之陽東及大華連商山熊耳外方桐栢自土洛南逾江漢携武當荆山至千衡陽乃東循嶺徹達東甌閩中是謂南紀所以限蠻夷也馬鞍范成大故星傳謂北戒爲胡門南戒爲越門崑山一名馬鞍山莊子列禦寇篇夫千金之珠必在九重之淵而驪龍頷下合珠

湖田舞鶴

尙湖之臯溝渚回復登山睇視儼如鶴舞哢吭奮翮正向新阡父老有龜去鶴來之讖斯當之矣故曰湖

田舞鶴

乳水神臯接墓田仙禽遺蛻正依然梳翎彷彿飄蘆

雪閣歷依微印渚烟華表月明吮竝引丹邱雲白影
相連在陰夜且占鳴和鳳舞休論五百年

乳水太白答中孚贈玉泉仙人掌茶詩序山洞往
往有乳窟窟中多玉泉有白蝙蝠大如鴉蓋
飲乳水而長生也東坡次完夫再贈詩乳水君應

餉惠山東坡焦千子求惠山泉詩茲山空洞中乳
水滿神臯張平子西京賦實為地之奧區神臯薛
其腹神臯綜曰神早接神之神聲李善曰臯局也謂

神明之閣脛東坡鶴嘆詩三
尺長脛閣瘦軀

界局也

石城開幃

拂水巖之西崖石削成雉堞樓櫓形狀備具所謂石
城也列屏列幃尊巖聳起所之主山也故曰石城開

幃

初學集詩註 卷第十二 巽

石城峯下起佳城百仞丹崖見削成錯列垣牆天市
近縈迴閣道帝車行雲開雉堞曾樓曉日落旌旗萬
馬迎却望朝山爭蠹山參差簪笏似天平

佳城葛洪西京雜記滕公駕至東都門馬跑地久
之使士卒掘地入三尺所得石槲有銘馬文

字古異叔孫通以今文寫之曰佳城巽天市史記
天官

書東北曲十二星曰旗旗中四星曰天市帝車史
中六星曰市樓市中星眾者實其虛則耗

天官書斗為帝萬馬王鑿震澤紀聞王府尹忘其
車運于中央萬馬名以善地理問太宗有事壽

陵乃名見于房山扈從至寶家庄曰勢如天平范
萬馬自天而下真龍穴也乃定即今長陵

大吳郡志天平山在吳縣西二十里此山在
吳中最高為齒翠高聳山皆奇石車筆峯為景

陽山箭闕相望百里而遙插立天外如向如拱以圭景之法取之不失秒忽所謂真朝特來也故曰箭闕朝宗

百里陽山拱墓門。歛雲吐景候朝昏。羣峯離立兒孫

秀。大石中央几案尊。箭闕風生菽矢報。郊臺月出火

城繁。陽山有吳王拜郊臺憑高窮覽南條勢。江漢朝宗爲汝論。

箭闕。范成大吳郡志採香逕在香山之旁自靈巖山望之一水直如矢故俗又名箭溼郊

臺。吳郡志吳王郊臺在橫山東麓下臨石湖置南

條。書禹貢導岍及岐正義曰地理志云禹貢北條荆山在馮翊懷德縣南南條荆山在南郡臨沮

縣東北是舊有三條之說也故馬融王肅皆爲三條導岍北條西傾中條蟠冢南條鄭玄以爲四列

初學集詩註卷第十二 吳

導岍爲陰列西傾爲次陰列蟠冢爲次陽列岷山爲正陽列鄭玄劄爲此說孔亦當爲三條也

杳石叅天

三杳石與石城諸峯錯峙杳石虛峴拂水懸流其上

又曰三台石亦主山之侍從也故曰杳石叅天

拂水高巖近斗魁。下臨杳石倚崔嵬。漏穿嵐彩晴飛

雨。噴薄泉流蟄起雷。嶺駐龍車雲滃鬱。峯邀蟾駕月

低迴。綠章擬奏三階事。午夜懸厓禮上台。

層湖浴日

西湖一曰尙湖師尙父垂釣處也彌望環帶繚如周

垣水遶雲從日月出入此明堂之巨觀也故曰層湖

浴日

浴日晴波漾六時。丹淵若木影參差。馮夷鼓趣羲和
駮。尚父湖通潮汝池。蕩洗蓂臞消薄蝕。養成烏羽作
明離。掛弓尚許清遼海。欲向扶桑借一枝。

丹淵

魏書王粲傳魏氏春秋曰阮籍歌日沒不周
西月出丹淵中陽精蔽不升陰光代為雄

若木

大荒北經大荒之中有衡石山九陰石灰野
之山上有赤樹青葉赤華名曰若木郭璞曰

生崑崙

西附西極墓頤寰宇記墓山在眉州掛弓
其華光赤下照地墓頤東七里形若蝦蟆頤掛弓

王明壽

增廣旗林襄王遊蘭臺謂左右曰能為大
言賦乎宋玉曰方地為輿圓天為蓋譬弓掛扶桑

長劍倚
天外

團桂天香

初學集詩註

卷第十二

星

桂叢有小閣戶為隧道。八樹蒼蒼與松楸並。列余少
嘗夢卧月宮。照徹肌骨。視其扁曰團桂閣。之所取名
也。故曰團桂天香。

八桂團團霜露叢。夢回禁扁映新宮。三秋落子金波
裏。一夜飄香玉臆中。月斧自能脩窈窕。冰輪端合照
青蔥。嫦娥不惜分靈藥。長發新枝助化工。

紫藤衣錦

老藤連蜷託根牆。下穿穴面勢用為指南。三四月間
紫花相繆。照曜蒙密。真吾家錦溪中物也。故曰紫藤
衣錦。

溪藤廻伏類牛眠。布萼飛英綺樹連。落落松楸如有
喜。紛紛蘿蔓媿高懸。天清羽葆施丹彩。日煖流蘇覆
玉煙。應笑婆留老孫子。還將錦綉裹山川。

婆留

吳越備史武肅王誕時紅光滿室王考頌怪之將棄于井祖妣知非常人固不許因小字曰婆留而并錦綉

錦綉

吳越備史王親巡衣錦營大會故老賓客山林樹木皆覆以錦

帷表衣錦之榮也

山莊八景詩

有序

錦峯晴曉

嚴文靖公之祖墓今爲阡之左沙其旁有錦峯書院
去山莊一牛鳴地畫舫簫鼓遊人絡繹而三春尤盛

初學集詩註

卷第十二

哭

一牛鳴

大藏一覽一牛鳴其聲五里

錦峯雲物近平泉。烏榜紅欄咽畫船。寵柳嬌花新節
序。採珠拾翠小神仙。明粧影奪山頭樹。急管聲翻水
底天。語燕正忙鶯又囀。莫辭中酒落花前。

平泉

賈氏談錄贊皇公平泉莊周廻十里構臺榭百餘所天下奇花異草珍松怪石靡不畢置

其烏榜

東坡寒食至湖上詩烏榜紅舡早滿湖

寵柳

王元美藝苑卮言李易安詞有

寵柳嬌花

寒食夜

香山晚翠

一名顧山去山莊三十餘里江上諸山皆橫屬於山
莊之西而香山爲近虞山來龍處也今又爲護山

夕陽樓畔坐簾櫳橫抹香山暮靄濃江上餘霞拖半紫雲頭落日逗殘紅秋原桑柘千村影春社牛羊一笛風西崦人家未昏黑席門燈火候歸翁

春流觀瀑

山泉縣流自三沓石下垂奔注山莊匯為巨礪今旋折為阡之界水遇風捍勒逆激而上則所謂拂水也拂水縣流萬壑連空山一夜響飛泉奔為疋練垂三沓挽作銀河向九天風急蛟龍看噴灑月明琴筑聽潺湲老農未辨為霖手抱甕朝來省灌田

琴筑

樂天廬山草山記堂東有瀑布如環珮琴筑聲東坡焦千子求惠山泉詩或鳴空洞中雜

初學集詩註

卷第十二

吳

珮間琴筑東坡禱雨宿靈隱寺詩枕中琴筑落階泉

秋原耦耕

山堂之名耦耕為余與孟陽結隱於此也今改築於墓田之左仍揭其額以招孟陽

罷亞風吹百頃香秋原正面耦耕堂宿田為我鋤根莠卒歲輸他穫稻梁黃犢烏犍經園具水車秧馬救脚力輟耕斗酒還相勞耳熱休歌種豆章

秧馬

東坡秧馬歌序予昔遊武昌見農夫皆騎秧馬以榆棗為腹欲其滑以楸桐為背欲其輕

腹如小舟昂其首尾背如覆瓦以便兩腳雀躍于泥中繫束藁其首以縛秧日行千畦較之僮僕而而作者勞佚相絕矣

水閣雲嵐

秋水閣負山面湖山莊實經始於此今茲丙舍盡改
舊觀獨此閣巋然如故

月觀風亭夜半舟依然簾額夕陽樓江邊水寒餘荒
壘天際郊臺沒古邱梯几山容分向背凭欄雲物變

春秋釣磯只在漁灣畔閒看晴湖下白鷗

月觀風亭

樂史寰宇記揚州風亭月觀吹簾額王
臺琴室並在宮城東北角池側

宮詞連夜宮中修別
院地衣簾額一時新梯几山海經西王母梯几而
戴勝杖郭璞曰梯謂憑

也

月堤煙柳

初學集詩註

卷第十二

五

墓之前有堤回抱折如肉環彎如弓月士女絡繹嬉
游如燈枝之走馬花柳蒙茸蔽虧如張帷幕人呼爲
小蘇堤

月堤人金大堤游墜粉飄香不斷頭最是桃花能爛
熳可憐楊柳正風流歌鶯隊隊勾何滿舞鴈雙雙趁
莫愁簾閣瓊牕應倦倚紅闌橋外月如鉤

梅圃谿堂

秋水閣之後老梅數十株古幹蚪繆香雪浮動今築
堂以臨之左右有長廊修竹小橋石礪皆梅之館宇
也

梅花村落傍漁莊。寂歷繁英占草堂。雀啅寒煙翻畧
欲。鶴窺素豔繞迴廊。過牆月亞疎枝影。度水風含別
韻。香傳語。綠堤桃李樹。好將濃艷報年芳。

酒樓花信

酒樓直山莊之東。平田透迤。晴湖蕩漾。北牖直拂水
巖。寸人豆馬。參錯山椒。紅粧翠袖。移動簾額。月提酒
樓。此吾山莊之勝與眾共之者也。

花厭入高樓。酒泛上危。登樓共賦豔陽詩。人間容易
催花信。天上分明掛酒旗。中酒心情寒食候。看花件
件好。春時。穠桃正倚新楊柳。橫笛朱欄莫放吹。

初學集詩註

卷第十二

至

泛危史記呂后紀自起泛孝惠危索隱曰泛音捧泛也酒旗三氏星經酒旗三星在軒

轅左角南王飲宴亭祀

歲暮懷孟陽

松栝藏門數畝宮。耦耕堂上兩衰翁。更無生計千頭
橘。尚有殘生半樹桐。堆積新愁黃葉雨。耗磨舊事白
楊風。天南地北相思處。約畧寒燈一爐紅。

半樹桐枚乘七發龍門之桐高百尺而無枝其根半死半生

除夜示楊郎之易。是應山忠烈公長子。

叫闌十載動宸旒。歲晚京華尙旅愁。爲問敝衣淹邸
舍。還知乞食上譙樓。青袍白馬誰家子。赤旻朱提何

處求愧我空憐廉吏後負薪歌罷自搖頭

譙樓

忠烈死詔獄繼室詹氏與後姊

搖頭

史記潛稽傳優

孟搖頭而歌
負薪者以封

牧齋初學集詩註卷第十二 一終

初學集詩註

卷第十二

五

